



書首

春秋集註

十七八

2797
55-47



2797
55-48



春秋四傳卷之十七

文公一公名興。僖公子。毋聲姜。夫人出姜。在位十八年。謚法。慈惠愛民。

周魯文公八年襄王崩子頃王立

鄭詳見僖文十四年頃王崩子匡王立

齊魯文公十四年昭公卒子舍立九月舍弒懿公商人立文十八年懿公弒惠公元立

宋魯文公七年成公卒昭公杵臼立

晉襄公繼霸魯文公六年襄公卒

衛詳見僖公九年

蔡魯文公十五年莊
公卒子文公申立

曹魯文公九年共公
卒子文公壽立

滕詳見隱公元年魯文公
十二年滕昭公來朝

陳魯文公十三年共公
卒子靈公平國立

杞詳見僖
公元年

薛詳見隱公元年
及僖公元年

莒魯文公十八年莒太子僕
弒紀公庶其子季佗立

邾魯文公十三年邾文
公卒子定公獲且立

許魯文公五年僖公
卒昭公錫我立

小邾詳見僖
公元年

楚魯文公元年多成王遇弒子穆王商臣立
文十年次于厥貉文十三年穆王卒子莊
王立○楚

秦莊王爭霸
秦用孟明以為政魯文公二年秦伯代晉

秦濟河焚舟遂霸西戎史記穆公三十七年
益國十二開地千里天子使召公過賀穆

公以金鼓文六年穆公卒子康公瑩立文
十八年康公卒

吳詳見隱
公元年

越詳見隱
公元年

未乙襄王二十六年元年晉襄二年齊昭七年衛成九
年蔡莊二十年鄭穆二年曹

共二十七年陳共六年杞桓十一年宋成
十一年秦穆三十四年楚成四十六年弒

春王正月公即位

穀梁傳繼正即位正也

○書辭典文
蔡氏曰文祖者堯始

祖之廟

○蔡氏曰神宗堯廟

也

○孟子曰二年之喪

天下之通喪也

○論語憲問篇有之

○商書伊訓篇

○集解云太甲居喪

攝而告廟臨羣臣者

伊尹也成王居喪攝而告廟臨羣臣者周公也

胡傳 即位者告廟臨羣臣也國君嗣世定於初喪必逾年然後改元書即位者緣始終之義一年不二君緣民臣之心不可曠年無君按書載舜禹受終傳位之事在舜則曰月正元日格於文祖在禹則曰正月朔且受命于神宗率百官若帝之初夫于文祖神宗則告廟也率百官若帝之初則臨羣臣也自古通葬三年其以凶服則不可入宗廟其以吉服則斬焉在衰經之中不可既成而又易之也如之何而可乎張問於孔子高宗諒陰三年不言何謂也子曰何必高宗古之人皆然君薨百官總已以聽於冢宰三年則告廟臨羣臣而有攝行之禮矣按周書稱太甲元年伊尹

○顧命康誥二篇皆周書

○林氏云不書朔官

○叔氏服字諸侯喪天子使大夫會葬禮也

二月癸亥日有食之

公日上有朔字

○天王使叔服

來會葬左傳春王使內史叔服來會葬公孫叔穀也食子難也收子穀也豐下必有後於魯國公羊傳其言來會葬何會葬禮也穀梁傳葬曰會其志重天子之禮也

○集解云春秋凡得禮者則為常事而不書惟崩薨卒葬之事雖得禮亦書孟子曰送死可以當大事即其意也

○如吳楚之君雖書其卒因削其葬是也

○林氏曰七月而葬緩

○林氏曰身隱至文木君惟桓文書即位而後書錫命以其自即位也

○見詩韓奕瞻彼洛矣

○詩小雅采芣篇朱子曰君子諸侯也○詩小雅彤弓篇朱子曰彤弓朱弓也昭也見與地大飲寬曰厚

胡傳

凡崩薨卒葬人道始終之大變也不以得禮為常事而不書其或失禮而有刑而不存以示義者聖人則

附錄

左傳於是閏三月非禮也先王之正復端於始序則無愆舉正於中歸餘於終民則不惑歸餘於終事則不悖

夏四月丁巳葬我君僖公

下也僖公葬而後舉謚謚所以成德也於卒事乎加之矣

錫公命

公羊傳錫者何賜也命者何加我服也殺梁傳禮有受命無來錫命錫命非正也

胡傳

諸侯終喪入見則有錫歲時來朝則有錫能敵王所愾則有錫鞞冕圭璧

因其終喪入見而錫之者也禮所謂喪畢以士服見天子已見賜之鞞冕圭璧然後歸是已車馬衣黻因其歲時來朝而錫之者也詩所謂君子來朝何錫予之雖無予之路車乘馬又何予之玄衮及黼是已彤弓旅矢因其敵愾獻功而錫之者也詩所謂彤弓予受言藏之我有嘉賓中心貺之鐘鼓既設一朝享之是已今文公繼世喪制未畢非初見繼朝而獻功也何為來錫命乎故殺梁子曰禮有受命無來錫命來錫命非正也

晉侯伐衛

左傳晉文公之季年諸侯朝晉衛成公不朝使孔達侵鄭伐絳訾及匡晉襄公既祥使告于諸侯而伐衛及南陽先且居曰效尤禍也請君朝王臣從師晉侯朝王于温先且居晉臣伐衛五月辛酉朔晉師圍戚六月戊戌取之獲孫昭子○叔

○林氏曰商臣弑成王而代立是為穆王

孫得臣如京師左傳王使毛伯衛來錫○衛

人伐晉左傳衛人使告于陳陳共公曰更伐之我辭之衛孔達帥師伐晉君子以

為古古者越國而謀○秋公孫敖會晉侯于戚此大夫

侯之始左傳秋晉侯疆○冬十月丁未楚世

子商臣弑其君頹頹俱倫反公穀作鬯左傳初楚子將以商臣為太子

誦諸令尹子士子上曰君之齒未也而又多愛黜乃亂也楚國之舉恒在少者且是人也

立王子職而黜太子商臣商臣聞之而未察告其師潘崇曰若之何而察之潘崇曰享江

莘而勿散也從之江莘怒曰吶彼夫宜君王之欲殺女而立職也告潘崇曰信矣潘崇曰

能事諸乎曰不能能行乎曰不能能行大事

乎曰能冬十月以宮申圍成主王請食熊蹯而死弗聽丁未王縊蓋之曰靈不曉曰成乃穆王立以其為太子之室與潘崇使為太師且掌環列之尹穀梁傳曰鬯之卒所以謹商臣之弑也夷狄不言正不正

胡傳書世子弑君者有父之親有君之尊而至於弑逆此天理大變人情所深

駭春秋詳書其事欲以起問者察所由示懲誡也唐世子弘受左氏春秋至此廢書

嘆曰經籍聖人垂訓何書此耶郭瑜對曰春秋義在褒貶以善惡為勸戒故商臣千

載而惡名不泯弘曰非惟口不可道故亦耳不忍聞願受他書瑜請讀禮世子從之

嗚呼聖人大訓不明於後世皆腐儒學經不知其義者之罪耳夫亂臣賊子雖陷

在前斧鉞加於頸而不避顧謂身後惡名足以係其邪志而懲於為惡豈不謬哉持

○見文王世子
○見唐書孝敬皇帝
弘傳高宗子武氏所
出
○尹起莘曰腐儒言
其但能守陳腐之見
而不達時宜者
○陷穽坑坎也斧鉞
兵器也

○唐書弘本傳云高宗上元二年太子弘
仁孝謙謹上其愛之
中外屬心天石方遲
其志大于奏數件有
義陽宣城二公主蕭
叔妃之女也幽于掖
庭年踰三十太子見
之驚側奏請出降上
許之天石怒即日以
公主配當上却衛太
子尋薨時人以爲天
石醜之也追謚爲孝
敬皇帝
○潘崇楚人名
○江半楚成王妹嫁
於江者

此曉人可謂茅塞其心意矣若語之曰爲人君父而不通於春秋之義者必蒙首惡之名爲人臣子而不通於春秋之義者必陷篡弒誅死之罪聖人書此者使天下後世察於人倫知所以爲君臣父子之道而免於首惡之名誅死之罪也則世子弘而聞此必將慄然畏懼知春秋之不可不學矣學於春秋必明臣子之義不至於奏請佛首而見醜矣傳者案也經者斷也考於傳之所載可以見其所由致之漸豈隱乎嫡妾必正而楚子多愛立子必長而楚國之舉常在少者養世子不可不慎也而以潘崇爲之師侍膳問安世子職也而多置官申降而不憾憾而能恥者無矣乃欲黜兄而立其弟謀及婦人宜其敗也而使江芊知其情是以不仁處其身而以不孝處其子也其及宜矣楚顧僭王憑陵中國戰勝諸侯毒被天下然昧於君臣父子之道

○陳哲曰多置官用者以備二十八年東宮從子玉而言也謀及婦人謂江芊知欲發置臣而立職之謀也

禍發蕭牆而不之覺也不善之積豈可掩哉君不君則臣不臣父不父則子不子春秋書世子弒其君者推本所由而著其首惡爲萬世之太戒也然則商臣無恥矣曰弒父與君之賊其惡猶待於敗而後著乎

公孫敖如齊

左傳穆伯如齊始聘焉禮也凡君即位卿出並聘踐脩舊好要結外援好事鄰國以衛社稷忠信甲讓之道也忠德之正也信德之固也甲讓德之基也

附錄

左傳殺之役晉人既歸秦帥秦大夫之罪也必殺之秦伯曰是孤之罪也周芮良夫之詩曰大風有隧貪人敗類聽言則對誦言如醉匪用其良覆俾我悖是貪故也孤之謂矣孤實貪以禍夫子夫子何罪復使爲政

○林氏云彭衙秦地
大崩自敗績

丙襄王二十二年 晉襄三齊昭八衛成十蔡莊
十七年 二十一年 鄭穆三曹共二十八

陳共七杞桓十二宋成十二秦
穆三十五楚穆王商臣元年

春王二月甲子晉侯及秦師戰于彭衙秦師

敗績 左傳春秦孟明視帥師伐晉以報殺之
佐之王官無地御戎狐鞮居為右甲子及秦

師戰于彭衙秦師敗績晉人謂秦拜賜之師
戰於殺也晉梁弘御戎萊駒為右戰之明日

晉襄公縛秦囚使萊駒以戈鞭之囚呼萊駒
失戈狼曠取戈以斬囚禽之以從公乘遂以

為右其之役先軫黜之而立續簡伯狼曠怒
其友曰盍死之曠曰吾未獲死所其友曰吾

與女為難曠曰周志有之勇則害上不登於
明堂死而不義非勇也共用之謂勇吾以勇

求右無勇而黜亦其解也謂上不我知黜而

道乃知我矣子姑待之及彭衙既陳以其屬
馳秦師死焉晉師從之大敗秦師君子謂狼

曠於是乎君子詩曰君子如怒亂庶遄沮又
曰王赫斯怒爰整其旅怒不作亂而以從師

可謂君子矣秦伯猶用孟明孟明增脩國政
重施於民趙成子言於諸大夫曰秦師又至

將必辟之懼而增德不可當也詩曰毋念爾
祖聿脩厥德孟明念之

矣念德不怠其可敵乎

胡傳 戰而言及者主平是戰者也夫敵加
於已不得已而起者謂之應生爭恨

小故不忍忿怒者謂之忿兵按左氏秦孟
明帥師伐晉報殺之役此所謂忿兵疑罪

之道遠怨之方也然則敵加於已縱其侵
暴將不得應乎曰敵加於已而已有罪焉

引咎責躬服其罪則可矣已則無罪而不
義見加論之以辭命猶不得免焉亦告於

○集解云應兵來戰
于鄭之師是其義也
忿兵晉文公伐曹鄭
之師是也

○林氏云主者殷人
以相周人以粟三年
喪終則遷入於廟

○何氏曰藏于廟室
中竟所當奉事也

○易下係辭云小人
掩罪大而不可解

天子方伯可也若遠然與師而與戰是謂
以桀攻桀何愈乎故以晉侯為主者處已
息爭之道寡怨
左王者之事也

丁丑作僖公主

左傳書不時也公羊傳作僖
公主者何為僖公作主也主
者曷用虞主用桑練主用栗者燕主也
作僖公主何以書譏何譏爾不時也其不特
奈何欲久喪而後不能也穀梁傳作為也為
僖公主也立主喪主於虞吉主於練作僖公
主譏其後也作主壞廟有時日於練焉
壞廟壞廟之道易檐可也改塗可也

胡傳

作主者造木主也既葬而反虞虞主
用桑期年而練祭練主用栗用栗者
藏主也何以書僖公薨至是十有五月然
後作主慢而不敬甚矣夫慢而不敬積惡
之原也以爲無傷而不去至於
惡積而不可捨所以謹之也

○林氏云朝而遂盟
之於是始

○陳哲曰文公即位
不朝于天子而天王
反使來賜命晉方伯
也以公朝之而見討
見當時天子之令不
行而確在方伯與諸
侯之不有天子而惟
方伯之是懼焉可見
矣

○蘇氏曰垂隴鄭地

三月乙巳及晉處父盟

因朝而盟始此左傳
晉人以公不朝來討
公如晉夏四月己巳晉人使陽處父盟公以
之書曰及晉處父盟以厭妨也適晉不書
諱之也公羊傳此晉陽處父也何以不氏諱
與大夫盟也穀梁傳不言公處父仇也為公
諱也何以知其與公盟以其日也何以不
言公之如晉所恥也出不書反不致也

胡傳

不書公者抑大夫之仇不使與公為
敵正君臣之分也適晉不書反國不致為
公諱恥存臣子之禮也凡此類筆削魯史
之舊文
衆矣

夏六月公孫敖會宋公陳侯鄭伯晉士穀盟

穀戶木反穀作穀垂隴公穀作垂歛
左傳公未至六月穆伯會諸侯及晉

○集解云傳一在冬
七月不雨夏四月不雨
六月不雨每時而一書
見其有志于民而以
民事為憂樂者也而
文公既時於書夏之
也夏之見其無志於
民而大以民事為憂
樂也天傳文公亦也
傳之平所謂為文
公宜有見及其即社
乃如此其信公之家
法不傳與抑為君
不世出也嗚呼惜哉

司空士穀盟于垂隴晉討衛故也書上穀其
其事也陳侯為衛請放于晉執孔達以說穀
梁傳內大夫可
以會外諸侯
○自十有二月不雨至于秋
七月公羊傳何以書記異也大旱以災書此
亦旱也曷為以異書大旱之日短而云
災故以災書此不雨之日長而無災故以異
書也穀梁傳歷時而言不雨文不憂雨也不
憂兩者無
志乎民也

胡傳書不雨至一秋七月而不雨至一秋
之辭非文公之意也夫書不雨至一秋七
月而止即八月嘗雨矣然而不書八月兩
者見文公之無意於雨不以民事繫憂樂
也其息於政事可知而魯衰自此始矣
八月丁卯大事于大廟躋僖公左傳逆祀也
於是夏父弗

○林氏曰大事禘也躋升也僖公庶兄繼閔而立廟坐宜次閔下今升在閔上
故書而譏之

忌為宗伯尊僖公且明見曰吾見新鬼大故
鬼小先天後小順也躋聖賢明也明順禮也
君子以為失禮禮無不順祀國之大事也而
遊之可謂禮乎子雖齊聖不先父食久矣故
禹不先絲湯不先契文武不先不窋宋祖帝
乙鄭祖厲王猶上祖也是以魯頌曰春秋匪
解享祀不忒皇皇后帝皇祖后稷君子曰禮
謂其後稷親而先帝也詩曰問我諸姑遂及
伯姊君子曰禮謂其姊親而先姑也仲尼曰
臧文仲其不仁者三不知者三下展禽廢六
關姜織蒲三不仁也作虛器縱逆祀祀爰居
三不知也公羊傳大事者何大禘也大禘者
何合祭也其合祭奈何毀廟之主陳于太祖
未毀廟之主皆升合食于太祖五年而再殷
祭躋者何升也何言乎升僖公譏何譏爾逆
祀也其逆祀奈何先禘而後祖也穀梁傳大
事者何大是事也著裕嘗裕祭者毀廟之主
陳于太祖未毀廟之主皆升合祭于太祖躋

○集解云僖公閔公
庶兄也閔公立為君
僖公嘗曰於閔
○三昭三穆并太祖
之廟而為七
○二昭二穆并始封
之君而為五
○父子相繼為世兄
弟相繼為及

升也先親而後祖也逆祀也逆祀則是無昭
穆也無昭穆則是無祖也無祖則無天也故
曰文無天無天者是無天而行也君
子不以親親害尊尊此春秋之義也

胡傳

有事者時祭太廟於閔之上也群廟之主
三公親則兄弟分則君臣以為逆祀者兄弟
之不先君臣禮也君子不以親親害尊尊
故左氏則曰祀國之大事而逆之可乎
雖齊聖不先父食矣公羊則曰其逆祀
先禘而後祖也穀梁則曰逆祀則是無昭
穆也無昭穆則是無祖也閔僖非祖禘而
謂之祖禘者何臣子下例也夫有天下者
事七世諸侯五世說禮者曰世指父子非
兄弟也然三傳同以閔公為祖而臣子
例是以僖公父視閔公為禮而父死子繼
不同其為世一矣

○陳哲云此說非也秦何德之可也示其所以稱人者蓋惡其貪利恃力議其罪而
貶之耳非為尊秦也

冬晉人宋人陳人鄭人伐秦

左傳冬晉先且
居宋公子成陳
轅選鄭公子歸生伐秦取汪及彭衙而還以
報彭衙之役卿不書為穆公故尊秦也謂之

崇

胡傳

按左氏四國伐秦報彭衙之役則皆
國卿也其貶而稱人者晉人再勝秦
師在常情亦可以已矣而復與此役結怨
勤民是全不務德專欲九爭而報復之無
已也以致濟河焚舟
之師故特貶而稱人

公子遂如齊納幣

左傳襄仲如齊納幣禮也
凡君即位嫁舅甥婚昏姻
娶元妃奉蒸盛孝也孝禮之始也公羊傳納
幣不書此何以書譏何譏爾譏喪娶也娶在
三年之外則何譏乎喪娶三年之內不圖婚
吉禘于莊公譏然則曷為不於祭焉譏三年

○何氏云僖公以十
二月薨至此未滿一
十五年又禮先納幣
問名納吉乃納幣此

○集解云初勝於敵
又勝於彭衙
○秦丹之師在明年

四者皆在三年之內
故云系

○集解云據道在四
年而言

○林氏曰沈汝南小
國

之恩疾矣非虛加之也以人心為皆有之以
人心為皆有之則曷為獨於娶焉譏娶者大
吉也非常吉也其為吉者主於已以
為有人心焉者則宜於此焉變矣

胡傳

婚姻常事不書其書納幣者喪未終
而圖婚也夫娶在三年之外矣則何

譏乎春秋論事莫重乎志志敬而節具與
之知禮志和而音雅與之知樂志哀而居
約與之知喪非虛加之也重志之謂也

丁酉

襄王二十三年 晉襄四齊昭九衛成十一蔡
十八年 莊二十二 鄭穆四曹共二十

九陳共八杞桓十三宋成
十三秦穆三十六楚穆二

春王正月叔孫得臣會晉人宋人陳人衛人

鄭人伐沈沈潰

霸國大夫會諸大夫伐國自
此始左傳春莊叔會諸侯之

○集解云沈惟服於楚故諸侯伐之代雖非諸侯之所得為者而此舉即夷之罪亦豈
間也故聖人不加褒以進亦不加貶以罪蓋其舉本於正也

師伐沈以其服於楚也沈潰
凡民逃其上曰潰在上曰逃

胡傳

按左氏伐沈以其服於楚也沈潰氏
逃其上上也五國皆稱人將非命卿也

沈在汝南平輿縣北未嘗與中國會盟而
南服於楚師入其境而民人逃散雖非義
舉比於報復私怨之兵則有間矣故其辭
無褒貶凡此類欲示後世用師者知權而
正之以

附錄

左傳衛侯如
陳拜晉成也

夏五月王子虎卒

左傳夏四月乙亥王叔文
公卒來赴弔如同盟禮也

公羊傳王子虎者何天子之大夫也外大夫
不卒此何以卒新使乎我也穀梁傳叔服也
此不卒者也何以卒之以其來會葬
我卒之也或曰以其嘗執重以守也

○林氏云王卿不卒
惟王子虎劉卷書

○集解云義見隱公元年

○禮記檀弓篇有孔子之衛遇舊館人之喪事

○林氏曰濟河焚舟晉人不出秦於是始

○集解云濟河之後即焚其所濟之舟示必死戰無復返之意此以見其憤也

胡傳 王子虎不書爵譏也。天子內臣無外交。或曰禮無情而為之節文者也。叔服新使乎我則宜有恩禮矣。仲尼脫驂於舊館。雖卒叔服可也。夫脫驂於舊館。惡夫涕之無從而為之者。非禮之經也。天子內臣無外交。而以新使乎我。致恩禮焉。是以私情害公義。失輕重之權矣。

秦人伐晉 左傳秦伯伐晉。濟河焚舟。取王官。而還。遂霸。西戎用。孟明也。君于是以知秦。穆公之為君也。舉人之周也。與人之壹也。孟明之臣也。其不解也。能懼思也。子桑之忠也。孟明之知人也。能舉善也。詩曰。干以采繁。于以澶。于以用之。公侯之事。秦穆有焉。夙夜匪解。以事一人。孟明有焉。謹厥孫謀。以燕翼子。子桑有焉。

○見禮記檀弓

○秦誓書篇

○微國者殺地即今

○集解云春秋責備賢者此其意也

○林氏曰身而墮有似於雨宋人以其死為得天祐喜而來告故書

○下條辭云損德之修也

胡傳

按左氏秦伯伐晉。濟河焚舟。封殺尸。而還。其稱人何也。聖人作易以懲忿。窒慾。為損卦。象其辭曰。損德之脩也。春秋諸侯之知德者鮮矣。穆公初聽杞子之請。遂躉叔之言。其名為貪兵。是慾而不能窒也。及敗於殺歸。作秦誓。庶幾能改。將窒其慾矣。復起彭衙之師。報殺函之役。其名為憤兵。是忿而不能懲也。今又濟河取郊。人之稱斯師也。何義哉。晉人畏秦。而不出。穆公逞其忿。而後悔。自是見伐不報。始能踐自誓之言矣。是故於此貶而稱人備責之也。

秋楚人圍江

左傳楚師圍江。○兩螽于宋。先僕伐楚。以救江。○兩螽于宋。公羊傳。兩螽者何。死而墜也。何以書記異也。外異不書。此何以書。為王者之後。記異也。穀梁傳。外災不志。此何以志也。曰災甚也。其甚奈何。茅茨盡矣。著於上。見於

○林氏曰晉大夫書
帥師於是始自申救
專開書大夫處父事
將書大夫於是常書
大夫貶而後人少
○楚嘗伐鄭矣在僑
公四年
○又嘗圍宋矣在僑
公二十七年

○戰國策張儀曰秦
舉甲而出武關
○集解云武關秦關
也在楚關西陳蔡楚
者國方城楚邑此蓋
設策之機也

下謂 ○冬公如晉十有二月己巳公及晉侯

盟此書公如晉之始左傳晉人懼其無禮於

賦菁菁者莪莊叔以公降拜曰小國受命於

大國敢不慎儀君賜之以大禮何樂如之抑

小國之樂大國之惠也晉 ○晉陽處父帥師

侯降辭登成拜公賦嘉樂 ○晉陽處父帥師

伐楚以救江公穀無以字左傳晉以江故告

以救江門于方城遇息公子朱而還公羊傳

此伐楚也其言救江何為諉也其為諉奈何

伐楚為救江也穀梁傳此伐楚其言救

江何也江遠楚近伐楚所以救江也

胡傳 楚嘗伐鄭矣齊桓公遠結江黃合九
國之師於召陵然後伐鄭之謀罷又嘗圍
宋矣晉文公許復曹衛會四國之師於城

○集解云楚穆王弒君父而自立天地所不容之罪

濮然後圍宋之役解今江國小而弱非能
與宋鄭比楚人圍之必不待徹四境屯戍
守禦之衆與宿衛盡行也當是時楚有覆
載不容之罪晉土夏盟宜合諸侯聲罪致
討命秦甲出武關齊以東兵略陳蔡而南
處父等兵方城之外楚必震恐而江圍自
解矣計不出此乃獨遣一軍遠攻強國豈
能濟乎故書伐楚以救江言救江雖善而
所以救之者非其道矣

此春秋紀用兵之法也

戊襄王二十四年 晉襄五齊昭十衛成十二蔡
陳共九杞桓十四宋成十 鄭穆五曹共三十

四秦穆三十七楚穆三

春公至自晉

附錄 左傳春晉人歸孔達于衛以為衛之
良也故免之 ○夏衛侯如晉拜 ○曹

伯如晉

○林氏云林婦有姑之辭

○集解云此春秋誅意之效也意文公意也誅其居喪圖婚之意也

夏逆婦姜于齊左傳卿不行非禮也君子是
以知出姜之不允於魯也曰
貴聘而賤逆之君而卑之立而廢之棄信而
壞其主在國必亂在家必亡不允宜哉詩曰
畏天之威于時保之敬主之謂也公羊傳其
謂之逆婦姜于齊何略之也高子曰娶乎大
夫者略之也穀梁傳其曰婦姜為其禮成乎
齊也其逆者誰也親逆而稱婦或者公與何
其速婦之也曰公也其不言公何也非成禮
於齊也曰婦有姑之辭也其不言氏何也賤
之也何為賤之也
夫人與有賤也

胡傳逆皆稱女以未成婦而女者在父母
家之所稱也往逆而稱婦入國不書
至何哉此春秋誅意之效也禮制未終
念娶事是不志哀而屈約矣方逆也而已

○集解云三年之喪天下之通喪期而小祥又期而大祥終月而禫備公之喪至此會
年而不公正在禫制之內未可娶也而娶之是其意已沒於孝矣此所以不知喪也

○子弑即子赤也

成爲婦未至也而如在國中其意而誅
之也不稱夫人姜氏者亦與有賤焉婦人
不專行何以與有賤父母與有罪也文公
不知敬其仇儷違禮而行使國亂子弑齊
人不能鑿微知著冒禮而往使其女不允
於魯皆失於不正其始之過也夫婦之際
人倫之首禮不可不謹
也故交賤之以爲後鑒

狄侵齊 ○秋楚人滅江左傳楚人滅江秦伯
爲之降服出次不舉

過數大夫諫公曰同盟滅雖不能救敢不矜
乎吾自懼也君子曰詩云惟彼二國其政不
獲惟此四國爰寇爰
度其秦穆之謂矣
○晉侯伐秦左傳圍祁
新城以報

胡傳晉人三敗秦師見報乃常情耳而穆
公濟河焚舟則賤而稱人秦取王官

○集解云舉晉爵而
蘇氏所以見其非也
伐者非則不報者善
矣故不譏彼以彰此
之善

及郊未至結怨如晉師之甚也襄公又報
之於常情過矣而得稱爵何也聖人以常
情得晉襄而以王事責秦穆所以異乎襄
公忘親背惠大敗秦師敗狄伐許怒魯侯
之不朝也而以無禮施之是專尚威力先
事加人莫知省德而後動也今又報秦不
足罪矣穆公初敗於殺悔過自誓增脩德
政宜若過而知悔悔而能改又有濟河之
役則非誓言之意所以備責之也然晉襄
見伐而報猶無譏焉秦穆至是見伐而不
報善可知矣不譏晉侯所以深善秦伯春
秋大改過嘉釋怨王者之事也故仲尼定
書列秦誓於百篇之末以見悔過能
改而不責人雖聖賢誥命不越此矣
衛侯使甯俞來聘左傳衛甯武子來聘公與
之宴為賦湛露及彤弓不
辭又不答賦使行人私焉對曰臣以為肄業
及之也昔諸侯朝正於王王宴樂之於是乎

○秋三傳公母成
風曰起同社姑故稱
夫人

賦湛露則天子當陽諸侯用命也諸侯敵王
所愾而獻其功王於是乎賜之彤弓一彤矢
好茲弓矢千以覺報宴今陪臣來繼舊
好君辱賜之其敢于大禮以自取戾
十有一月壬寅夫人風氏薨左傳冬
成風薨

○論語季氏篇有之

○儀禮喪服傳云木
夫以上為庶母無服
○服問云君之母非
夫人則羣臣無服

胡傳風氏僖公之母莊公妾也而稱夫人
自是嫡妾亂矣語曰邦君之妻邦人
稱之曰君夫人稱諸異邦曰寡小君蓋敵
體之稱也若夫妾媵則非敵矣其生亦以
夫人之名稱號之其沒亦以夫人之禮卒
葬之非所以正其分也以妾媵為夫人徒
欲尊寵其所愛而不慮卑其身以妾母為
夫人徒欲崇貴其所生而不慮賤其父卑
其身則失位賤其父則無本越禮至是不
亦悖乎夫禮庶子為君為其母無服不敢
貳尊者也春秋於成風記其卒葬各以
實書不為異辭者謹禮之所由變也

○林氏曰珠玉曰含
○口實車馬曰賵
○王不稱天於追錫
桓公見之至是再見
穀也且文武之教著
於南雅莫急於君夫
人也桓以少筮長成
風以廢亂竊王道熄
矣而莊襄不能正又
從而廢賞之是以天
命施之天討也是故
皆不稱天

已襄王三十五年 晉襄六齊昭十一衛成十三
亥十年 蔡莊二十四鄭穆六曹共三
十一陳共十杞桓十五宋成
十五秦穆三十八楚穆四

春王正月王使榮叔歸含且賵

口實也其言歸含且賵何兼之兼之非禮也
穀梁傳合一事也賵一事也兼歸之非正也
其曰且志兼也其不言來不周
事之用也賵以早而含已晚

胡傳 珠玉曰含車馬曰賵歸含且賵者厚
禮安母也不稱天王者弗克若天也
春秋繫王於天以定其名號者所履則天

位之所治則天職也所執而悼之者則天
之所叙也所叙而庸之者則天之所秩也
所賞所刑者則天之所命而天之所討也
夫婦人倫之本王法所尤謹者今成風以
妾僭嫡王不能正又使大夫歸含賵焉而

成之為夫人則王法廢人倫亂矣是謂弗
克若天而悼其道非小失耳故特不稱天
以謹之也

三月辛亥葬我小君成風 公羊傳成風者
何僖公之母也

胡傳 仲子雖聘非惠公之嫡也春秋之初
尚以為疑故別為立宮而羽數特異

此雖非禮之正然不祔于姑猶有辨焉至
是成風書葬乃有二夫人祔廟而亂倫易
紀無復辨矣故禮
之失自成風始也

王使召伯來會葬 召穀作毛左傳王使榮叔
來含且賵召昭公來會葬

禮也穀梁傳會
葬之禮於鄆上

胡傳 王臣下聘桓公宰書名示畏而大
夫再聘則無譏焉或以為從同同也

○集解云王不稱天
於歸含賵之上已見
之至是再賵也

○集解云隱五年考
仲子之宮初獻六羽
○禮夫人卒哭而祔
于姑仲子以非夫人
故不祔于姑

○集解云貪賄使太夫會葬使卿加禮於成風者益隆故所賤之者不替其事不向罪亦兩科耳

○林氏曰六小國

○林氏曰信公卒昭公錫我立

或以為同則書重也成風薨王使祭叔歸合且賙既不稱天矣及使召伯來會葬又與賤焉何也歸合且賙施於妾母已獨豐矣又使卿來會葬恩數有加焉是將祔之於廟也而致禮於成風盡矣聘一也合賙而又葬則其事益隆亂人倫廢王法甚矣再不稱天者聖人於此尤謹其戒而不敢略也

夏公孫敖如晉 ○秦人入都

音若左傳初都叛楚即秦又貳

於楚夏秦 ○秋楚人滅六

左傳六人叛楚即東夷秋楚成大心

仲歸帥師滅六冬楚公子燮滅麇滅文仲聞六與麇滅日臯陷庭堅不祀忽諸德之不建

○冬十月甲申許男業卒

信公也在位三十三年子錫我嗣是為昭公

附錄

左傳晉陽處父聘于衛反過甯甯嬴從之及温而還其妻問之嬴曰以剛商書曰沈漸剛克高明柔克夫子壹之其不沒乎天為剛德猶不干時况在人乎且華而不實怨之所聚也犯而聚怨不可以定身余懼不獲其利而離其難是以去之

○晉趙成子欒真

襄王三十四年六年 晉襄七卒齊昭十二衛成十

子夷 襄王三十四年六年 四蔡莊二十五鄭穆七曹共

附錄

左傳春晉蒐于夷舍二軍使狐射姑將中軍趙盾佐之陽處父至自温改蒐于董易中軍陽子成季之屬也故黨於趙氏且謂趙盾能曰使能國之利也是以上之宣子於是乎始為國政制事典正法罪稱獄刑董通逃曲貨要治舊泮本秩禮

宋水卷一七

○林氏云衍父季文

續常職出帶淹既成以授太傅陽子
與大師賈佻使行諸晉國以為常法
夏季孫行父如陳左傳臧文仲以陳衛之睦
聘于陳且娶焉

附錄

左傳秦伯任好卒以子車氏之三子
奄息仲行鍼虎為殉皆秦之良也國
人哀之為之賦黃鳥君子曰秦穆之不為
盟主也宜哉死而棄民先主違世猶詒之
法而况奪之善人乎詩曰人之云亡邦國
殄瘁無善人之謂若之何奪之古之王者
知命之不長是以並建聖哲樹之風聲分
之采物著之詩言為之律度陳之藝極引
之表儀予之法制告之典訓教之防利委
之常秩道之以禮則使毋失其土宜眾諫
賴之而後即命聖主同之今縱無法以遺
後嗣而又收其良以死難以在上矣君子

○林氏曰任好穆公
名也
○殉從葬也

○林氏曰襄公卒明年子靈公東阜上

是以知秦之
不徂以東征也

秋季孫行父如晉

左傳秋季文子將聘于晉
使求遭喪之禮以行其人
曰將焉用之文子曰備豫不虞古之
善教也求而無之實難過求何害
八月

乙亥晉侯驪卒

驪喚宮反公作讎左傳晉襄
公立長君趙孟曰立公子雍好善而長先君愛
之且近於秦秦舊好也置善則固事長則順
立愛則孝結舊則安為難故欲立長君有
此四德者難必擇矣賈子曰不如立公子樂
辰羸孽於二君立其子民必安之趙孟曰辰
羸賤也且在人其子何讓之有且為一孽淫
也為君子不能求大而出在小國辟也母
淫子辟無威陳小而遠無援將何安焉杜祁
以君故讓偪姑而上之以秋故讓季隗而已
次之故班在四先君是以愛其子而仕諸秦

○林氏曰三月而葬

○虞父侵官宜為國

○射姑狐偃子賈委

也

為亞卿焉秦大而近足以為援母義子愛足以威民立之不亦可乎使先蔑十一會如秦逆

公子雍賈季亦使召公子○冬十月公子遂

樂于陳趙孟使殺諸卿○如晉葬晉襄公

陽處父晉狐射姑出奔狄

班也而知其無援於晉也九月賈季使續鞫

居殺陽處父書曰晉殺其大夫侵官也

送其怒夷之蒐賈季戮更駢更駢之人欲盡

殺賈氏以報焉史駢曰不可吾聞前志有之

曰敵惠敵怨不在後嗣忠之道也夫子禮於

賈季我以其寵報私怨無乃不可乎介人之

寵非勇也始怨益仇非知也以私害公非忠

也釋此三者何以事夫子盡具其怒與其器

用財賄親帥扞之送致諸竟公羊傳晉殺其

大夫陽處父則狐射姑為出奔射姑殺也

射姑殺則其稱國以殺何君漏言也其漏言

奈何君將使射姑將陽處父諫曰射姑民衆

不說不可使將於是廢將陽處父出射姑入

君謂射姑曰陽處父言曰射姑民衆不說不

可使將射姑怒出刺陽處父於朝而走穀梁

傳稱國以殺罪累上也襄公已葬其以累上

之辭言之何也君漏言也上泄則下聞下聞

則上聞且聞且聞無以相通夜姑殺者將

姑之殺奈何曰晉將與狄戰使狐夜姑為將

軍趙盾佐之陽處父曰不可古者君之使臣

也使仁者佐賢者不使賢者佐仁者今趙盾

賢夜姑仁其不可乎襄公曰諾謂夜姑曰吾

始使盾佐女今女佐盾矣夜姑曰敬諾襄公

死處父主竟上事夜姑使人殺之君漏言也

○疑曰係係上經文
不出片庭無咎節卦
初九爻維

○陳哲曰太傅君之
輔也凡在官寓皆所
當擇而擇官授職乃
其職分也况射姑故
不及有而處父易之
當矣豈為侵官哉乃
以是而歸咎陽子誤
矣

胡傳 公羊子曰晉殺其大夫陽處父則狐
其稱國以殺何君漏言也易曰不出戶庭
無咎何謂也子曰亂之所生則言語以為
階君不密則失臣臣不密則失身幾事不
審則害成是以君子慎密而不出也凡書
殺者在王則稱君在下則稱氏在衆則稱
入在微則稱盜君與臣同殺則稱國今殺
處父者射姑耳君獨以漏言故亦預殺焉
所以為後世戒也或以處父為侵官非歟
曰人君用人失當則其國必危凡立于朝
者舉當諫君况身為晉國之太傅邪若以
為侵官將相大臣非其人百官有司失其
職在位者當拱默自全陰聽人主之所為
至於顛危而不救則將焉用彼相乎率天
下臣子為持祿容身不忠之行以誤朝迷
國者必此侵
官之說夫

○林氏曰諸侯每月必告朔聽政因朝宗廟文公以閏非常月故閏不告朔怠慢政也
雖朝于廟則如勿朝故曰猶猶者可止之辭

○史記黃帝紀迎
推策主策數也日月
朔望木來而推之

閏月不告月猶朝于廟 告音格左傳閏月不
時時以作事以厚生生民之道於是乎在
矣不告閏朔兼時政也何以為民公羊傳不
告月者何不告朔也曷為不告朔天無是月
也閏月矣何以謂之天無是月是月非常月
也猶者何通可以已也穀梁傳不告月者何
也不告朔也不告朔則何為不言朔也閏月
不附月之餘日也積分而成於月者也天子
不以告朔而喪事不數也猶之為言可以已也
胡傳 不告月者不告朔也 不告朔則曷為
平月而有閏也故不言朔而言月占天時
則以星授民事則以節候寒暑之至則以
氣言官脩其政於朝庶民服其事於野則
主乎是焉耳矣閏不可廢乎曰迎日推策
則有其數轉璣觀衡則有其象歸音於抗
以象閏數也斗指兩辰之間象也象數者

○唐典也見書堯典以閏月定四時成歲是也
○周制也見周禮春官宗伯
○論語八佾篇有也

○林氏云須句魯之封內屬國也信公反其君之後邾復滅之書取易也
○邾魯邑因伐邾師以城邾備邾難
○成公卒昭公柝白
○宋人攻昭公並殺二人夫故以非罪書

○陳世云三傳不同如此而此諸義係於殺而不係於名何以破万世之異矣

天理也非人所能為也故以定時成歲者唐典也以詔王居門終月者周制也班告朔於邦國不以是為附月之餘而弗之數也猶朝于廟者幸其不已之詞予責欲去告朔之餼羊子曰爾愛其羊我愛其禮
辛襄王三年 晉靈公夷臯元年齊昭十二年 衛成十五年蔡莊二十六鄭穆八曹共三十三陳共十二杞桓十七
宋成十七卒秦康公登元年楚穆六
春公伐邾 晉難也 三月甲戌取須句 胸左傳

實文公子焉非禮也公羊傳取邑不日此何以日內辭也使若他人然穀梁傳取邑不日此其日何也不正其再取故謹而日之也
遂城部 部音吾穀梁傳遂繼事也
夏四月宋公王臣卒 左傳夏宋成公卒於定穀作宋人殺其大夫 公羊傳成爲右師公孫友

爲左師樂豫爲司馬鱗雖爲司徒公子蕩爲司城華御事爲司寇昭公將去群公子樂豫曰不可公族公室之枝葉也若去之則本根無所庇蔭矣萬萬猶能庇其本根故君子以爲此况國君乎此諺所謂庇焉而繼壽焉者也必不可君其圖之親之以德皆股肱也誰敢搆貳若之何去之不聽穆襄之族率國人以攻公殺公孫固公孫鄭于公宮六卿和公室樂豫舍司馬以讓公子昭公即位而葬書曰宋人殺其大夫不稱名衆也且言非其罪也公羊傳何以不名宋三世無大夫三世內娶也穀梁傳稱人以殺誅有罪也
胡傳 擅殺之也大夫不名義繫於殺大夫而其名不足紀也
戊子晉人及秦人戰于令狐晉先蔑奔秦 令

○林氏曰令狐秦地

呈反蔑公作昧奔上有以師字左傳秦康公
送公子雍于晉曰文公之入也無衛故有言
卻之難乃多與之徒衛穆嬴曰抱太子以啼
于朝曰先君何罪其歸亦何罪舍適嗣不立
而外求君將焉真此出朝則抱以適趙氏頃
首於宣子曰先君奉此子也而屬請子曰此
子也亦吾受子之賜不亦吾唯子之怨會君
雖終言猶在耳而棄之若何宣子與諸大夫
皆患穆嬴且畏懼乃背先蔑而立靈公以禦
秦師箕鄭居守趙盾將中軍先克佐之荀林
父佐上軍先蔑將下軍先都佐之步招御戎
戎津為右及董陰宣子曰我若受秦秦則實
也不受寇也既不受矣而復緩師秦將生心
先人有奪人之心軍之善謀也逐寇如追逃
軍之善政也訓卒練兵秣馬潛師夜起
戊子敗秦師于令狐至于剗首已丑先蔑奔
秦士會從之先蔑之使也荀林父止之曰夫
人大子猶在而外求君此必不行子以疾辭

○趙孟即趙盾
○先蔑晉大夫先軫
之子士伯也
○公子雍晉文公字
襄公庶弟也

若何不然將及擗脚以徃可也何必于同官
為寮吾嘗同寮敢不盡心乎弗聽為賦板之
三章又弗聽及亡荀伯盡送其帑及其器用
財賄於秦曰為同寮故也士會在秦三年不
見士伯其人曰能亡人於國不能見於此焉
用之士季曰吾與之同罪非義之也將何見
焉及歸遂不見公羊傳晉先昧以師奔秦此
偏戰也何以不言師敗績敵也此晉先昧也
其稱人何敗曷為敗外也其外奈何以師外
也何以不言出遂在外也穀梁傳不言
出在外也輟戰而奔秦以是為逃軍也
胡傳按左氏襄公卒太子幼晉人欲立長
公以師納之襄夫人且抱太子以啼于朝
曰舍適嗣不立而外求君將焉真此請大
夫畏逼乃背先蔑立靈公趙盾將中軍以
禦秦潛師夜起敗秦師于令狐先蔑奔秦
程氏以為晉不謝秦秦納不正皆罪也故

承火朱七

○集解云秦廢太子扶蘇而立胡亥故漢廢昌邑而立宣帝故治推此而歷代之廢立可鑒矣矣者周秦也稱對敵也此衛太叔儀譏寧壽復衛獻公之言

○林氏曰扈鄭地不序諸侯散辭也晉於是始失伯也

○集解云如不閱長不視彌緩作積公主而正室屋壞觀此則其怠惰廢緩之實亦見矣

○季氏曰寇讎者自已致之今臣作亂者上無道則不從下桀之類是也若上有道下作亂者鮮矣

稱人晉懼秦之不肯已而擊之是晉人為志乎是戰者也故書及其貶之如此者使後世臣子慎於廢立之際不可忽也治亂存亡繫國君之廢立事莫重於此矣而可以有誤乎矣者舉棋不定不勝其耦况置君而可以不定乎

狄侵我西鄙左傳狄侵我西鄙公使告于晉趙宣子使因賈季問鄆舒且讓之鄆舒問於賈季曰趙衰趙盾孰賢對曰趙衰冬日之日也趙盾夏日之日也○秋

八月公會諸侯晉大夫盟于扈左傳齊侯宋公衛侯陳侯

鄭伯許男曹伯會晉趙盾盟于扈晉侯立也故也公後至故不書所會凡會諸侯不書所會後也後至不書其國辟不敏也公羊傳諸侯何以不序大夫何以不名公失序也公失序奈何諸侯不可使與公盟朕晉大夫使與公盟也穀梁傳其曰諸侯略之也

胡傳諸侯會晉趙盾盟于扈為晉侯立也趙盾內專廢置其君外強諸侯為此盟其不及於會也文公怠惰事多廢緩既約晉盟而復後至故隱其不及罪公之不能自強於政治魯自是且益衰矣

冬徐伐莒公孫敖如莒泣盟公穀作蒞左傳穆伯娶于莒曰戴已生文伯其娣聲已生惠叔戴已卒又聘于莒莒人以聲已辭則為襄仲聘焉冬徐伐莒莒人來請盟穆伯如莒泣盟且為仲逆及鄆陵登城見之美自為娶之仲請攻之公將許之叔仲惠伯諫曰臣聞之兵作於內為亂於外為寇寇猶及人亂自及也今臣作亂而君不禁以啓寇讎若之何公止之惠伯成之使仲舍之公孫敖反之復為兄弟如初從之穀梁傳蒞位也其曰位何也前定也其不日前定之盟不日也

○春火食之

○伯氏吹壘而仲氏吹箎言其心相親愛而聲相應和也與汝如物之在實豈誠不我知而謔我哉荀曰誠不我知則歌九歌教人道和乃民之心誠情也

附錄 左傳晉卻缺言於趙宣子曰陽衛不睦故取其地今已睦矣可以歸之叛而不討何以示威服而不柔何以示懷非威非懷何以示德無德何以主盟子為正卿以主諸侯而不務德將若之何夏書曰戒之用休董之用威勸之以九歌勿使壞九功之德皆可歌也謂之九歌六府三事謂之九功水火金木土穀謂之六府正德利用厚生謂之三事義而行之謂之德禮無禮不樂所由叛也若吾子之德莫可歌也其誰來之蓋使睦者歌吾子乎宣子說之

八年 晉靈二齊昭十四衛成十三年崩 六蔡莊二十七鄭穆九曹共三十四陳共十三杞桓十八宋昭公杵臼元年秦康二楚穆七

春王正月

附錄 左傳春晉侯使解揚歸匡戚之田于衛且復致公晉池之封自申至于虎牢之竟

夏四月

附錄 左傳夏秦人伐晉取武城以報令狐之役

秋八月戊申天王崩 世子王臣嗣位 ○冬十

月壬午公子遂會晉趙盾盟于衡雍 盾徒本反雍於

用反左傳晉人以扈之盟來討冬襄仲會晉趙孟盟于衡雍報扈之盟也 乙酉公

子遂會雜戎盟于暴 雜音洛雜戎公作伊雜戎左傳遂會伊雜之戎

胡傳 春秋記約而志詳其書公子遂盟趙盾及雜戎何詞之贅乎曰聖人謹華

○林氏曰襄王崩于頃主立
○林氏曰雍鄭地
○文中子云史氏記繁而志寡

○集解云神州中國也陸沉謂中原淪沒也

○林氏云不生不出也命而由身外行

○公孫敖慶父之後穆伯也

○禮記禮運曰飲食男女人之大欲存焉死亡貧苦人之大惡存焉欲惡者人之大端也

○孟子盡心下篇云論語憲問篇云克己復禮者是氣也而

○林氏云無傳為文故書

○司馬公子印也○司城蕩意諸也○意諸皆昭公之黨

夷之辨所以明族類別內外也維崑天地之中而戎醜居之亂華甚矣再稱公子各且其會正其名與地以深別之者示中國夷狄終不可雜也自東漢以來乃與戎雜處而不辨晉至於神州陸沈唐亦世有戎狄之亂許翰以為謀國者不知學春秋之過信矣

公孫敖如京師不至而復丙戌奔莒

穆伯如周平喪不至以幣奔晉從已氏焉公羊傳不至復者何不至復者內辭也不可使往也不可使往則其言如京師何遂公意也何以不言出遂在外也穀梁傳不言所至未如也未如則未復也未如而曰如不廢君命也未復而曰復不專君命也其如非如也其復非復也唯奔莒之為信故謹而曰之也

胡傳

按左氏公孫敖奔莒從已氏也男女人之大欲存焉寡欲者養心之要欲

養心之要莫善於寡欲其為人也寡欲雖有不存焉者寡矣

而不可行可以為難矣然欲生於色而縱於淫色出於性目之所視有同美焉不可掩也淫出於氣不持其志則放僻趨蹶無不為矣敖如京師其書不至而復者言敖無人使于周之意惟已氏之欲從也夫以志徇氣肆行淫欲而不能為之帥至於棄其家國出奔而不顧此天下之大戒也春秋謹書其事於敖與何誅使後人為鑒必持其志修窒欲之方也

宋人殺其大夫司馬宋司城來奔

左傳宋襄夫人襄王之姊也昭公不禮焉夫人因戴氏之族以殺襄公之孫孔叔公孫鍾離及大司馬公子印皆昭公之黨也司馬掩節以死故書以官司城蕩意諸來奔效節於府人而出公以其官逆之皆復之亦書以官皆貴之也公羊傳司馬者何司城者何皆官舉也曷為皆官舉宋三世無大夫三世內娶也穀梁傳

樂豫宋大夫

書周官曰司馬掌邦政統六師平邦風此所以為掌兵之官

陳哲曰春秋之世天子之與大夫見殺者衆矣豈謂不實而有不書者乎以是知書官為貴之說非也其謂不能其官而見殺與出奔無諱論矣

司馬官也其以官稱無君之辭也司城官也其以官稱無君之辭也來本者不言出舉其接我也

胡傳

初宋昭公將去群公子樂豫以為不可遂舍司馬以讓公子卯則卯固昭公之黨欲專宋政而昭公固欲以其弟卯自衛也夫司馬掌兵之官不選衆舉賢以素其威望為國人所畏服者使居其任乃欲寵其私昵鮮有不亡者矣公子卯蕩意諸皆以官舉者見王兵者不能其官至於見殺守中者不能其官至於出奔而其若不免失身見殺之禍宜矣

附錄

左傳夷之蒐晉侯將登箕鄭父先都趙之勳不可廢也從之先克奪蒯得田于董陰故箕鄭父先都士穀梁益耳蒯得作亂

春秋卷十七終

春秋四傳卷之十八

文公二

項王九年 晉靈二 齊昭十五 衛成十七 蔡元年 莊二十八 鄭穆十 曹共三十五

卒陳共十四 杞桓十九 宋昭二 秦康二 楚穆八

春毛伯來求金

來求正此因傳毛伯衛來求金非禮也。不書王命未葬也

公羊傳毛伯者何天子之大夫也何以不稱使當喪未君也踰年矣何以謂之未君即位矣而未稱王也未稱王何以知其即位以諸侯之踰年即位亦知天子之踰年即位也天子三年然後稱王亦知諸侯於其對內三年稱子也踰年稱公矣則曷為於其對內三年稱子緣民臣之心不可曠年無君緣終始之義二年不可曠年無君緣孝子之

何氏曰時君新有三年喪

林氏曰來求止此自是魯雖不修貢則無采矣

春秋卷十八

○集解云跋扈強梁之意蓋跋眺意竹籬也漁業者以竹籬障水以截魚水退則魚之強者跳籬而過故謂之跋扈譬猶強臣擅國越禮犯分不由君命者也西漢之末有王氏東漢之末有梁氏魏末之有司馬氏晉末之有桓溫皆此類也

心則三年不忍當也毛伯來求金何以書譏何譏爾王者無求求金非禮也然則是王者與日非也非王者則曷為謂之王者王者無求曰是子也繼文王之體守文王之法度文王之法無求而求故譏之也

胡傳

君也。賈伯天子大夫何以不稱使當喪未諒陰二年百官總已以聽於冢宰夫百官總已以聽則是冢宰獨專國政之時託於王命以號令天下夫豈不可而不稱使春秋之旨微矣非特謹天下之通喪所以示後世大臣當國秉政不可擅權之法戒也跋扈之臣假仗主威脅制中外凡有所行動以詔書從事蓋未有以春秋此義折之耳

夫人姜氏如齊○二月叔孫得臣如京師

○林氏曰前年公辛遂葬襄公今年得臣葬襄主是夷周於晉也

傳京大也師衆也言周必以衆與大言之也 辛丑葬襄主左傳莊葬襄主公羊傳王者不書葬此何以書不葬及時書過時書我有往者則書嚴梁傳天子志崩不志葬舉天下而葬一人其道不疑也志葬危不得葬也日之甚矣其不葬之辭也

○又云先都下軍佐也

○晉人殺其大夫先都左傳王正月己酉使殺先都嚴梁傳甲梁益耳文公○三月夫人姜氏至自齊嚴梁傳卑文公

胡傳

夫人與君敵體同主宗廟之事出必告行反必告至則書于策然適他國者或曰享或曰會或曰如衆矣未有致之者則其行非禮以不致見其罪也出姜如齊以寧父母於禮得行矣其致者非特以告廟書耳夫人初歸豈其不告為文公越

○集解云以同主宗廟故出入之禮亦同於君示行友之際不致禮必寡寡好之意

○孔子曰美也者宗廟之主也先人之後也

○林氏曰與先都同罪也

○集解云高去其大夫而獨書名者

○從宋滅猶今言從輕論也未滅語出昭十四年傳

禮故削而不書示誅意之法矣。今此書至者。又以見小君之重也。夫承祭祀以爲宗廟主。一國之母儀而可以搖動乎。出姜至是蓋不安於魯故至而特書以示防微杜漸之意其爲世慮深矣。

晉人殺其大夫士穀及箕鄭父左傳三月甲戌晉人殺箕鄭父

鄭父士穀刺得穀梁傳稱父以殺誅有罪也鄭父累也

胡傳

殺先都士穀國也其稱人以殺者國亂無政衆人擅殺之稱也何以知其

非討賊之詞書殺其大夫則知之矣。三人夫皆強家也。求專晉不得。挾私怨以作亂而使賊殺其中軍佐則固有罪矣。曷爲不去其官。當是時晉靈初立。主幼不君。政在趙盾而中軍佐有盾之黨也。若獄有所歸則此三人者獨無可議從未滅乎。而皆

之是大夫專生殺而政不自人主出也。故不稱國討不夫其官而箕鄭父書及示後世司賞罰者必本忠恕無有黨偏之意其義精矣

楚人伐鄭公子遂會晉人宋人衛人許人救

鄭左傳范山言於楚子曰晉君少不在諸侯北方可圖也楚子師于狼淵以伐鄭囚公子堅公子虓及樂耳鄭及楚平公公子遂會晉趙盾宋華耦衛孔達許大夫救鄭不及楚師卿不書綴也

胡傳

按左氏范山言於楚子曰晉君少不在諸侯北方可圖也楚子師于狼淵

以伐鄭則是貪得無故憑陵諸夏之兵也故楚子親將貶而稱人晉宋衛則趙盾華孔皆國卿也何以貶而稱人救而不及楚師欲以懲不恪也晉主夏盟不在諸侯以

○范山楚大夫

○華耦孔達宋衛大夫

○集解云聖人於楚書法常變而傳或不向莊二十三年書曰荆人來聘傳謂嘉其義進之也信元年伐鄭書楚人傳謂慶強

○古語云折衝千里之外謂其捍禦外侮之能也

○林氏曰襄公卒子文公壽立○又曰地道安靜以動為異故書

○楚君臣始並見於經

啓戎心誰之過乎故書救而稱人以罪趙盾之不能折衝消患為夷狄之所窺也

夏狄侵齊

附錄

左傳夏楚侵陳克壺丘以其服於晉也○秋楚公子朱自東夷伐陳陳人敗之獲公子穀陳懼乃及楚平

秋八月曹伯襄卒○九月癸酉地震

公羊傳地震者

何動地也何以書記異也穀梁傳震動也地不震者也震故謹而日之也

子使叔來聘

叔穀作叔楚君臣始並見經左傳楚子越椒來聘執幣傲叔仲惠伯曰是必滅若敖氏之宗傲其先君神弗福也公羊傳叔者何楚大夫也楚無大夫此何以書始有大夫也始有大夫則何以不氏許夷狄者不一而足也穀梁傳楚無大夫其

日菽何也以其來我褒之也

胡傳

楚僭稱王春秋之始獨以號舉夷狄至是其君書爵其臣書名而稱使遂與諸侯比者是以中國之禮待之也所謂謹華夷之辨內諸夏而外四夷義安在乎曰吳楚聖賢之後見周之弱王靈不及僭擬名號此乃夏而變於夷者也聖人重絕之名春秋立法謹嚴而宅心忠恕嚴於立法故僭號稱王則深加貶黜比之夷狄以正君臣之義慈以宅心故內雖不使與中國同外亦不使與夷狄等思善悔過向慕中國則進之而不拒此慎用刑重絕人之意也噫春秋之所以為春秋非聖人莫能脩之者乎

秦人來歸僖公成風之祿

祿音遂左傳禮也諸侯相弔貨也雖

春秋卷十八

四

○莊十年始書荆敗秦師而見

○莊二十二年書荆人來聘而見

○吳太伯之後太伯周太王之長子

○楚鬻熊之後鬻熊為文王師

○聖賢蓋指太伯與鬻熊也

○林氏曰衣服曰祿

○集解云僖公成風
母子俱即世而此兼
書恐人疑其為兼禮
也故特發而明之
○在隱公元年

不當事苟有禮焉書也。以無忘舊好。公羊傳
其言僖公成風何兼之兼之非禮也曷為不
言及成風成風傳也穀梁傳秦人弗
夫入之也即外之弗夫人而見正焉

胡傳 秦人歸祿而曰僖公成風者非兼祿
仲子爾仲子惠公之妾也然則風氏亦莊
公之妾曷不書曰來歸莊公成風之祿乎
日寵愛仲子以妾為妻者惠公也故書惠
公仲子所以正後世之為入夫者當明夫
道不可亂嫡妾之分以卑其身尊崇風氏
立為夫人者僖公也故書僖公成風所以
正後世之為入子者當明子道不可行僭
亂之禮以賤其父聖人垂誠之義明矣

葬曹共公

甲 頃王十年 晉靈四。齊昭十六。衛成十八。蔡
二年 莊二十九。鄭穆十一。曹文公壽

○林氏曰狄秦也楚
之伯秦之力也於是
狄秦夏之變於夷秦
為之也又三十年而
狄鄭又五十年而狄
晉狄鄭猶可也狄晉
甚矣

○集解謂不遂立公
子雍之非
○秦伯襄公也

○林氏曰宜申子西
也

○秦伯襄公也

元年。陳共十五。杞桓二十。
宋昭三。秦康四。楚穆九。

春王三月辛卯臧孫辰卒

○夏秦伐晉 左傳
春晉

人伐秦取少梁夏
秦伯伐晉取北徵

胡傳 說者謂秦伐晉以戎狄書蓋闕文者
他得失言之也然晉取少梁事不經見固
未可據秦以狄書者程氏以謂晉舍適嗣
而外求君罪也既而悔之正矣秦不顧義
理是非惟以報復為事則夷狄之道也以
此狄秦義固然矣或者猶有深許晉人悔
過能改終不遂非之意故重貶秦伯以見
平

楚殺其大夫宜申

左傳 初楚范巫鬻似謂成
王與子玉子西曰二君皆

○集解云穆王弑君
死而止楚臣子義不
共戴天矣今子西之
舉心以是為意也事
雖無成而其死無愧
矣是以稱國以殺而
不去其官云

○林氏曰女栗地名
關蘇子周卿士項主
新立故與魯盟親諸
侯也

將強死城濮之役王思之故使止于王曰毋
死不及止于西子西縊而縣絕王使適至遂
止之使為商公沿漢沂江將入郢王在渚宮
將逃臣懼而辭曰臣免於死又有讒言謂臣
家謀弑穆王穆王聞之五月殺鬬宜申及仲
歸

胡傳

按左氏宜申與仲歸謀弑穆王而誅
又書其官而不曰楚人殺宜申乎曰穆王
者即楚世子商臣也而春秋之義微矣

自正月不雨至于秋七月

不閔雨者無志乎民也

○冬狄侵宋 ○楚子蔡侯次于厥貉

○林氏曰厥貉地名
○大以見楚之圖伯
而示集也是故書次
于即以見齊伯之難
書大厥貉以見楚伯
之難

貉音麥左傳陳侯鄭伯會楚子于息冬遂及
蔡侯次于厥貉將以伐宋宋華御事曰楚欲
弱我也先為之助乎何以使誘我我實不能
民何罪乃逆楚子勞且聽命遂遵以田孟諸
宋公為右孟鄭伯為左孟期思公復遂為右
司馬子朱及文之無畏為左司馬命夙駕載
遂宋公違命無畏扶其僕以御或謂子舟曰
國君不可戮也子舟曰當官而行何疆之有
詩曰剛亦不吐柔亦不茹毋縱詭隨以謹罔
極是亦非辟疆也敢愛死以亂官乎厥貉之
會麋子
逃歸

胡傳

楚滅江六平陳與鄭於是乎為伐宋
之舉次于厥貉凡伐而次者其次為
善次而伐者其次為賤齊師次陘脩文告
以威敵善之也故上書伐楚以著其美楚
次厥貉藏禍心以憑夏賤之也故下書伐
麋以著其罪當是時陳鄭宋皆從楚矣獨

四年滅江五年滅
九年春平陳與鄭

○三大夫謂公子堅
公子龍樂耳也
○公子花楚人見上
註

○林氏曰楚書君將
於是始自是楚師必
盟成而後貶人之

○承筐宋地

書蔡侯何哉。鄭失三大夫侯救而不及。陳獲公子茂而懼。宋方有狄難。蓋有不得已者。非所欲也。蔡無四境之虞。則是得已。不巳志在從夷狄矣。故削三國。書蔡侯見其棄諸夏之惡也。

乙 頃王十有一年 晉靈五。齊昭十七。衛成十九。蔡莊三十。鄭穆十二。曹文二。陳共十六。杞桓二十。宋昭四。秦康五。楚穆十。

春楚子伐麇 麇俱倫。及公作圍。楚始書君將。師于防渚。潘崇復。

伐麇至于錫穴 夏叔仲彭生會晉卻缺。于承筐。公穀無仲。年卻去逆。友筐。公穀作匡。

會晉卻缺。丁承筐。謀。秋曹伯來朝。左傳。秋諸侯之從於楚者。

來朝。即位。而見也。○公子遂如宋。左傳。襄仲聘于宋。而德之。因賀楚師之不害也。

○狄侵齊。○冬十月甲午。叔。孫得臣敗狄于鹹。左傳。鄭驪侵齊。遂伐我公。叔夏御。莊叔。縣房甥。為右。富父終甥。乘父。十月甲午。敗狄于鹹。獲長狄僑如。富父終甥。擄其喉。以戈殺之。埋其首於子駒之門。以命。宣伯。初。宋武公之世。鄭驪伐宋。司徒皇父帥師。禦之。彤。班御。皇父克石。公。穀甥。為右。司寇牛父。駟乘。以敗狄于長丘。獲長狄綠斯。皇父之。子死焉。宋公於是。以門賞。彤。班。使食其。征。謂之。彤。門。晉之滅潞也。獲僑如之。弟。焚如。齊襄公之。二年。鄭驪伐齊。齊王于成。父獲其。弟。榮如。埋其首於周首之北門。衛人獲其。季弟。簡如。鄭驪由是。遂亡。公羊傳。狄者何。長狄也。兄。弟。三人。一者之齊。二者之魯。三者之

○林氏曰鹹魯地

春秋卷十八

○陳者曰以上數例
推之則軍塞狄非長
狄固然而三傳所
載皆同則雖信而從
之亦無害義也等者
詳之

晉其之齊者王子成父殺之其之魯者叔孫
得臣殺之則未知其之晉者也其言敗何大
之也其曰何大之也其地何大之也何以書
記異也穀梁傳不言帥師而言敗何也直敗
一人之辭也一人而曰敗何也以衆焉言之
也傳曰長狄也弟兄三人佚宕中國瓦石不
能害叔孫得臣最善射者也射其目身橫九
軋斷其首而載之眉見於軾然則何爲不言
獲也曰古者不重創不禽二毛故不言獲爲
內諱也其之齊者王子成父殺之則未知其
之晉者

胡傳

左氏稱此長狄也而劉敞以爲非夫
春秋正名之書其稱狄也或曰狄或
曰白狄或曰赤狄其稱戎也或曰戎或曰
山戎或曰姜戎或曰陸渾之戎不別其種
類書之于策後亦無所考矣

○林氏曰邲太子朱儒也其曰邲伯見魯以諸侯之禮逆之也是故邲太子朱儒魯謂之
邲伯晉太子州蒲晉謂之晉侯從而志之徒見其悖禮焉耳

附錄

左傳邲太子朱儒自
邲於夫鍾國人弗御

丙頃王十有二年 晉靈六齊昭十八衛成二
四年 十。蔡莊三十一。鄭穆十二。

曹文三。陳共十七。杞桓二十
二。宋昭五。秦康六。楚穆十。

春王正月邲伯來奔

邲公作盛左傳邲伯卒
邲人立君太子以夫鍾

與邲卦來奔公以諸侯逆之非禮也故書曰
邲伯來奔不書地尊諸侯也公羊傳盛伯者
何失地之君也何

杞伯來朝

左傳杞桓公
來朝始朝公

也且請絕叔姬而
無絕昏公許之
○二月庚子子叔姬卒左
二月叔姬卒不言杞絕也書叔姬言非女也
公羊傳此未適人何以卒許嫁矣婦人許嫁
字而笄之死則以成人之喪治之其稱子何
貴也其貴奈何母弟也穀梁傳其曰子叔姬

春秋卷十八

○杞伯復稱伯舍夷

○林氏曰巢吳楚間

○秦君臣始並見

貴也公之毋姊姝也其一傳曰許嫁以卒之也男子二十而冠冠而列丈夫三十而娶女子十五而許
○夏楚人圍巢左傳楚令尹大嫁二十而嫁
○秋滕子來朝左傳滕昭公來朝亦始朝公也
○秦伯使術來聘左傳秦伯使術來聘直言將伐晉襄仲辭玉曰君不忘先君之好照臨魯國鎮撫其社稷重之以大器寡君敢辭玉對曰不腆敝器不足辭也主人三辭賓答曰寡君願微福于周公魯公以事君不腆先君之敝器使下臣致諸執事以為瑞節要結好命所以藉寡君之命結兩國之好是以敢致之襄仲曰不有君子其能國乎國無陋矣厚賄之公羊傳遂者何秦大夫也秦無大夫此何以書賢繆公也何賢乎繆公以為能變也其為能變奈何惟談談

○林氏曰河曲晉河東地

○集解云令狐之戰秦晉皆罪無所輕重更止徵之師不言戰則復之舉為罪重而晉輕矣至山舉雖不言及而言戰故皆人之罪之輕重見矣

善譚言俾君子易怠而况乎我多有之惟介斷斷焉無他技其心休休能有容是難也

○冬十有二月戊午晉人秦人戰于河曲左傳

秦為令狐之役故冬秦伯伐晉取羈馬晉人禦之趙盾將中軍荀林父佐之卻缺將上軍更駢佐之欒盾將下軍胥甲佐之范無恤御戎以從秦師于河曲更駢曰秦不能久請深壘固軍以待之從之秦人欲戰秦伯謂士會曰若何而戰對曰趙氏新出其屬曰更駢必實為此謀將以老我師也趙有側室曰突晉君之壻也而駢不在軍事好勇而狂且惡更駢之佐上軍也若使輕者肆焉其所秦伯以璧祈戰于河十一月戊午秦軍掩晉軍趙穿追之不及反怒曰襄疆坐用固敵是求敵至不擊將何俟焉軍吏曰將有待也穿曰我不知謀將獨出乃以其屬出宣子曰秦獲穿也獲一卿矣秦以勝歸我何以報乃皆

春秋左傳

九

出戰交綏秦行人夜戒晉師曰兩軍之士皆未然也明白請相見也史疏曰使者目動而言肆懼我也將遁矣薄諸河必敗之晉甲趙穿當軍門呼曰死傷未收而棄之不惠也不待期而薄人於險無勇也乃止秦師夜遁復侵晉入瑕公羊傳此偏戰也何以不言師敗績敵也曷為以水地河曲既矣河千里而一曲也穀梁傳不言及秦晉之戰已亟故略之也

胡傳 秦伯親將晉上卿趙盾禦之其稱人何為令狐之役故也秦納不正遂非積忿晉不謝秦潛師禦之是以暴兵連禍至此極也凡戰皆以主人及客者處已之道寡怨之方王者之事其不書晉及何也前年秦師來伐晉不言戰者晉已服矣故狄秦而免晉今又為此役則秦曲甚矣故不以晉為主惟動大衆從秦師不奉詞令以止之也故貶而稱人此輕重之權衡也

○今狐之役在七年
○秦納不正指公子雍

○來伐者為客受伐者為主

○林氏曰晉魯所爭者以其遠通外國故帥師城之

季孫行父帥師城諸及鄆鄆公作運後同左傳書時也穀梁傳

稱帥師言有難也

十有三年 晉靈七齊昭十九衛成二十四曹文四陳共十八卒杞桓二十三宋昭六秦康七楚穆十二

春王正月

附錄 左傳晉侯使詹嘉處瑕以守桃林之塞

夏五月壬午陳侯朔卒

附錄 左傳晉人患秦之用士會也夏六卿相見於諸浮趙宣子曰隨會秦在秦賈

季在狄難用至矣若之何中行桓子曰請復賈季能外事且由舊勳卻成子曰賈季

○林氏曰共公卒于靈公平國立

公平園五

公卒

亂且罪大不如隨會能賤而有恥柔而不
犯其知足使也且無罪乃使魏壽餘偽以
魏叛於秦秦伯許之執其祭於晉使夜逸請
自歸於秦秦伯許之復士會之足於朝秦
伯師于河西魏人在東壽餘曰請東人之
能與夫二三有司言者吾與之先使士會
士會辭曰晉人虎狼也若背其言臣死妻
子為戮無益於君不臣也秦伯曰若背
其言所不歸爾祭者存如河乃行繞朝贈
之以策曰子無謂秦無人吾謀適不用也
既齊魏人讓而還秦人歸其祭其處者為劉氏

邾子濞除卒

邾子濞除卒左傳邾文公十遷于繹史曰利
於民而不利於君邾子曰苟利於民孤之利
也天生民而樹之君以利之也民既利矣孤
必與焉左右曰命既長也君何弗為邾子曰
命在養民死之短長時也民苟利矣遷也

○邾文公卒于
定公獲且立

莫如之遂遷于繹五月○自正月不雨至于

秋七月○世室屋壞

世左穀作天音泰左傳

不共也公羊傳世室者何魯公之廟也周公
稱太廟魯公稱世室羣公稱官此魯公之廟
也曷為謂之世室世室猶世室也世世不毀
也周公何以稱太廟于魯封魯公以為周公
也周公拜乎前魯公拜乎後曰生以養周公
死以為周公主然則周公之魯乎曰不之魯
也封魯公以為周公主然則周公曷為不之
魯欲天下之一乎周也魯祭周公何以為牲
周公用白牡魯公用騂犗羣公不毛魯祭周
公何以為盛周公盛魯公壽羣公廩世室屋
壞何以書譏何譏爾父不脩也穀梁傳大室
屋壞者有壞道也譏不脩也大室猶世室也
周公曰大廟伯禽曰大室羣公曰宮禮宗廟
之事君親割夫人親春敬之至也為社稷之

○禮記明堂位云魯
公之廟文武世室也
陳氏曰魯公伯禽也
武公伯禽之玄孫其
世世不毀故言世
室
今按此言是魯有兩
世室也然則書世室
而不宜其則疑其兩
壞而不可知也

○陳世。日今久。不
有而屋壞。乃知其
而不修。木腐。不
受之焉也。

○林氏曰。查地名。關

○秦鄭地。○楚次厥
務而晉遂不競。於是
公親晉衛侯會。公
還自晉。鄭伯會。公請
麥之。俱甚矣。

主而先君之廟壞。極稱之。志不敬也。

胡傳 世室。魯公之廟也。周公稱太廟。魯公稱世室。羣公稱宮。書世室屋壞。譏久不脩也。何以知久乎。自正月不雨。則無壞道也。不雨。凡七月。而先君之廟壞。不恭甚矣。此皆志文公怠慢。不謹事宗廟。以致魯國衰削之由。垂戒切矣。

冬公如晉。衛侯會公于杏。無會下公。○狄侵衛。

○十有二月己丑。公及晉侯盟。公還自晉。

公穀無。鄭伯會公于棐。傳冬公如晉朝。且請盟。衛侯會公于杏。請平于晉。公還。鄭伯會公于棐。亦請平于晉。公皆成之。鄭伯與公宴。于棐。子家賦。鴻鷹。季文子。曰。寡君未免於此。文子賦。四月。子家賦。載馳之四章。文子賦。采芣。

之四章。鄭伯拜。公答拜。公羊傳。還者何。善辭。何善。爾往。黨榭侯會公。下。杏。至。得與晉侯盟。反黨。鄭伯會公于棐。故善之也。穀梁傳。還者。事未畢也。自晉事畢也。

○林氏曰。是年周頃王崩。子匡王立。春秋皆不書崩葬。

頃王六年。崩。子班嗣位。是為匡王。十有四年。晉靈公卒。齊昭公。平國元年。紀桓二十四。宋昭。秦康。八。楚莊王旅元年。

春王正月。公至自晉。

附錄 左傳。春。頃王崩。周公閱與王孫蘇爭。政。故不赴。凡崩。薨。不赴。則不書。禍福不。亦不書。不。亦不書。

邾人伐我南鄙。叔彭生師師伐邾。左傳。邾文公之卒也。

春秋左傳卷之八

十一

○林氏曰昭公卒于
會立

公使弟焉不敬。邾人來討。夏五月乙亥齊侯

伐我南鄙。故惠伯伐邾。潘卒。左傳子叔姬妃齊昭公生舍。叔姬無寵

盡其家貨於公。有司以繼之。夏五月昭公卒。舍即位。

附錄 左傳 邾文公元妃齊姜生定公。一妃

晉 齊姬生捷。齊文公卒。邾人立定公。捷

六月公會宋公陳侯衛侯鄭伯許男曹伯晉

趙盾癸酉同盟于新城。左傳從於楚者服且

有同也。同。外楚也。其曰同者志

胡傳 同盟于新城。同外楚也。其曰同者志

○齊不與盟不與新城之盟也

○集解云言其兵力
侵伐二國大槩相同
無甚減否也

○范氏曰亭于太辰
及東方皆不意入此
意入者明斗有規郭
入其魁中也

伯在焉則知楚次厥貉。三國雖從誠有弗
獲已者。削而不書蓋怨之也。蔡不與盟果
有背華即夷之實矣。夷考晉楚行事未有
以大相遠也。而春秋予奪如此者。荆楚僭
王。若與同好。陵蔑中華。是將代宗周
為其主。君臣之義滅矣。可不謹乎。

附錄 左傳 秋七月乙卯夜齊商人弒舍而

不可使多蓄憾。將

秋七月有星孛入于北斗。史叔服曰不出七

年。宋齊晉之君皆將死。亂公羊傳字者何。彗
星也。其言入于北斗何。北斗有中。何以書
記異也。穀梁傳孛之為言猶弗也。其曰入于
北斗者。斗有環域也。

胡傳 孛者惡氣所生。闇亂不明之貌也。入

○微子啓封之庶兄
○宋主克商之於宋
以奉湯祀故謂先代
之後
○後合驗也

○於此曰今百乘六
五人也

○集解云穀梁與公
羊左氏義微有異故
此不王其說

○朱子曰乘其備矣
則非力之不足也特
以義之弗克而弗攻
耳能以義斷困而反
於法則故吉也

星也。宋先代之後，齊晉天子方伯中國，紀綱等者，所以除舊布新也。禘祫祫孽，隨其所感，先事而著。後三年，宋弒昭公。又二年，齊弒懿公。又二年，晉弒靈公。此三君者，皆連道失德而死，于亂符，叔服之言。天之示人，顯矣。史之有占明矣。

公至自會 ○晉人納捷菑于邾 弗克納捷菑

菑，側其反。左傳：晉趙盾以諸侯之師八百乘，納捷菑于邾。邾人辭曰：齊出獲自長，宣子曰：辭順而弗從，不祥，乃還。公羊傳：納者何？入辭也。其言弗克納，何？大其弗克納也。何？大乎其弗克納晉，卻缺帥師，革車八百乘，以納捷菑于邾。婁方浦若有餘而納之，邾婁人言曰：捷菑晉出也，獲自齊出也。子以其指，則捷菑也。四獲自也。六子以大國壓之，則未知齊晉孰有之也。貴則皆貴矣。雖然，獲自也。長，卻缺非吾力不能納也。義實不爾克也。引師而

之故，君子大其弗克納也。此晉卻缺也。其稱入何，貶魯為賤，不與大夫專廢置君也。曷為不與實與，而文不與？文曷為不與？大夫之義，不得專廢置君也。穀梁傳：是卻克也。其曰人何也？微之也。何為微之也？長轂五百乘，縣地千里，過宋鄭滕薛，復入千乘之國，欲變人之主，至城下，然後知何知之晚也。弗克納，未代而曰弗克，何也？弗克其義也。捷菑晉出也。獲且齊出也。獲自正也。捷菑不正也。

胡傳

邾文公元妃齊姜生定公，二妃晉姬生捷菑。文公卒，邾人立定公。捷菑奔齊，齊人辭曰：齊出獲自長，宣子曰：非吾力不能納也。義實不爾克也。引師而去之。故君子善之。而書曰：弗克納也。在易，同人九四曰：乘其墉，弗克攻，吉。象曰：乘其墉，義弗克也。其告則困，而反則也。其趙盾之謂矣。

○集解云文飾之也過而不改是又未足與之校文過遂非則其情憚於自改而不耻於為惡矣故有所特而為者也終者前過不改後復為之者也故祭氏謂有如此而入於刑則雖當宥當贖亦不許其宥不聽其贖而必刑之也過而已悔後不復作不貳過也不貳過則有遷善之美而不犯於罪惡矣

聖人以改過為大過而不改將文過以遂非則有怙終之刑過而能悔不貳過以遠罪則有遷善之美其曰弗克納見私欲不行可以為難矣然則何以稱入大夫而置諸侯非也聞義能徙故為之

附錄

左傳周公將與王孫蘇訟于晉王叛晉趙宣子平王室而德之○楚莊王立子孔潘崇將襲羣舒使公子燮與子儀守而伐舒蓼二子作亂城郢而使賊殺子孔不克而還八月二子以楚子出將如商密廬戰黎及叔麋誘之遂殺闞克及公子燮初闞克囚于秦秦有殺之敗而使歸求成而不不得志公子燮求令尹而不得故二子作亂

九月甲申公孫敖卒于齊

左傳穆伯之從已氏也魯人立文伯

○林氏曰商人弑舍自是為懿公

○左隱公四年

○集解云不以公子之道待州吁使主其權而當國其執逆之罪由上致之也故以罪累乎衛莊

穆伯生二子於莒而求復文伯以為請襄仲使無朝聽命復而不出三年而盡室以復適莒文伯疾而請曰穀之子弼請立難也許之文伯卒立惠叔穆伯請重賂以求復惠叔以為請許之將來九月卒于齊告喪請葬弗許穀梁傳奔大夫不言卒而言卒何也為受其喪不可卒也

○齊公子商人弑其君舍

齊人定懿公使來告難故書以九月齊公子元不順懿公之為政也終不曰公曰夫已氏公羊傳此未踰年之君也其言弑其君舍何已立之已殺之成死者而賤生者也穀梁傳舍未踰年其曰君何也成舍之為君所以重商人弑也舍之不曰商人其不以國氏何也不以嫌代嫌也舍之不曰何也未成為君也

胡傳

州吁弑君則以國氏商人獨稱公子何也以國氏者累及于上稱公子者

○范氏曰舍不成君則殺者非弑也

○林氏曰蕭宋附庸哀仕蕭為尊封疆之官今還仕宋非以為卿也
○周易係解澤卦本二有之

○論語云微子去之箕子為之奴且于謙而死孔子曰殷有三仁焉蓋無三仁而先言微子
○林氏曰諸侯無執王使之義故不依行人例單伯周卿士
○集解云舍叔姬之于叔姬魯女故舍為魯之甥
○林氏曰以單伯為屬卿士與魯魯之命大夫也

誅止其身夫州吁寵愛有匹嫡奪正之勳莊公養成其惡而莫之禁至於弑逆則有以致之矣故曰以國氏者累及乎上按左氏魯叔姬配齊昭公生舍叔姬無寵舍無威商人知其孤危寡特可以取而代也於是驟施於國而多聚士然則商人弑逆出於其身之所為而非昭公有以致之也故曰稱公子者誅止其身舍未踰年而成之為君者穀梁子曰成舍之為君所以重商人之弑也

宋子哀來奔

左傳宋高哀為蕭封人以為卿不義宋公而出遂來奔書曰宋

子哀來奔貴之也公羊傳宋子哀者何無聞焉爾毅梁傳其曰子哀失之也

胡傳

宋昭公無道高哀為蕭封人以為卿不義宋公而出遂來奔書曰子哀貴之也易曰幾者動之微吉之先見者也君子見幾而作不俟終日宋子哀有焉昔微

子去紂列于三仁之首子哀不立於危亂之邦而春秋書字謂能貴愛其身以存道也若偷生避禍而去國出奔亦何取之有

冬單伯如齊齊人執單伯

胡傳

齊君舍魯之甥也商人弑舍固已魯矣魯使單伯如齊齊人意欲辱魯故執單伯并子叔姬而誣之以罪不稱行人公羊所謂以已執之者也

齊人執子叔姬

左傳襄仲使告于王請以王寵求昭姬于齊曰殺其子焉

用其毋請受而罪之冬單伯如齊請于叔姬齊人執之及執子叔姬公羊傳執者曷為或稱行人或不稱行人稱行人而執者以其事執也而不稱行人而執者以已執也單伯之罪何道淫也惡乎淫淫乎子叔姬然則曷為不言齊人執單伯及子叔姬內辭也使若異罪

○集解云公羊穀梁皆以叔姬與單伯淫蓋不知其何所證是必傳之陋者也此則所謂執單伯蓋執子叔姬而誣之以罪又以國母而誣齊人之罪足以破萬世之傳

然穀梁傳私罪也單伯淫于齊齊人執之齊人執子叔姬叔姬同罪也

胡傳 其母皆商人所為而以爲齊人執之何也商人弑君之罪已顯而齊人黨賊之惡未彰商人驟施於國而多暴土是以賄誘齊國之人而濟其惡也齊人懷商人之私惠忘君父之大倫弑其君而不能討執其母而莫之救則是舉國之人皆有不救之罪也假有人焉正色而立於朝誰敢致難其君與執其母而不之顧乎故聖人書曰齊人執子叔姬所以窮逆賊之黨與而治之也其討罪之旨嚴矣故曰春秋成而亂臣賊子懼

配 元年十有五年 晉靈九齊懿公商人元年 卒鄭穆十六曹文六陳靈二杞桓 二十五宋昭八秦康九楚莊二

○集解云世卿非禮也春秋所書皆蓋說之欲以禁絕之也

○杜氏曰亞旅上大夫也
○季孫公子季友之後
○叔孫公子叔牙之後
○仲孫公子慶父之後
○臧孫公子疆之後
臧僖伯此其後也

春季孫行父如晉

左傳春季文子如晉爲單伯與子叔姬故也

三月宋司馬華孫來盟

華戶化反左傳宋華孫來盟其官皆從之

書曰宋司馬華孫來盟之先臣督得罪於宋殤公名在諸侯之策臣承其祀其敢辱君請承命於亞旅魯人以爲敏穀梁傳司馬官也其以官稱無君之辭也來盟者何前定也不言及者以國與之也

胡傳

司馬主兵之官稱華孫者自督弑殤公諸侯受賂失職不討使秉宋政及其後世繼掌兵權春秋之所禁者故傳載其承命亞旅之詞而經書曰宋司馬華孫來盟其曰華孫猶季孫叔孫仲孫臧孫之類不書名者義不繫於名也不稱使以是專行爲無君矣孟子曰所謂故國非謂其有喬木有世臣之謂也春秋此義其欲後

○林氏曰大夫喪還
不書善魯感子以故
父敦公族之恩崇
孝之教故特錄教喪
婦以示義

世以賢者之類功臣之貴
為世臣然後委之以政乎

夏曹伯來朝左傳禮也諸侯五年再相○齊

人歸公孫敖之喪左傳齊人或以告惠叔倫毀以為請

魯必取之從之卜人以告惠叔倫毀以為請

立於朝以待命許之取而殯之齊人送之書

曰齊人歸公孫敖之喪為孟氏且國故也葬

襚共仲聲已不視帷堂而哭襄仲欲勿哭惠

伯曰喪親之終也雖不能始善終可也史佚

有言曰兄弟致美教之賀善弟災祭敬喪哀

情雖不同毋絕其愛親之道也子無失道何

怨於人襄仲說帥兄弟以哭之他年其二子

來孟獻子愛之聞於國或譜之曰將殺子獻

子以告季文子文子曰夫子曰夫子以愛我聞我以

將殺子聞不亦遠於禮乎遠禮不如死一人

門于句解一人門于戾丘皆死公羊傳何以

○慶父賊子般弑閔公而亂哀姜其行固醜敖奪兄妻奉使不至棄家國而從色故曰行
又醜

○蓋蔽也前人蔡叔
也叔嘗叛為周室亂
其怨過重矣仲其子
也能率德政行故周
公以為卿士及叔卒
乃人諸仲邦之蔡此
其諾命也故使其蓋
父之怨也

不言來內辭也魯我

而歸之荀將而來也

胡傳公孫敖慶父之後行又醜矣出奔他

六月辛丑朔日有食之鼓用牲于社左傳非

有食之天子不舉伐鼓于社諸侯用幣于社

伐鼓于朝以昭事神訓民事君示有等威古

之道○單伯至自齊左傳齊人許單伯請而

伯至自齊貴之也穀梁傳大夫執則致致

則名此其不名何也天子之命大夫也故逆王姬會

胡傳單伯天子之命大夫也故逆王姬會

伐宋使于齊皆書其字致而不名與

○逆王姬在莊元年
會伐宋在莊十四
年

○孫氏曰入國書大夫於是始是故自伐書陽處父入書卻缺侵書趙穿由是凡役書大夫

意如婦異者無所書而不尊王命謹臣禮也

晉卻缺帥師伐蔡戊申入蔡左傳新城之盟

缺以上軍下軍伐蔡曰君弱不可以愈戊申入蔡以城下之盟而還凡勝國曰滅之獲犬城焉曰入之公羊傳入不言伐此其言伐何至之日也其日何至之日也秋齊

人侵我西鄙穀梁傳其日鄙遠之也其遠之何也不以難介我國也

季孫行父如晉左傳齊人侵我西鄙冬十

有一月諸侯盟于扈左傳冬十二月晉侯宋公衛侯蔡侯陳侯鄭伯

許男曹伯盟于扈尋新城之盟且謀伐齊也齊人賂晉侯故不克而還於是齊難是以公會公不與不書諱君惡也與而不書後

○韓子曰中國而東狄則狄之正此意也扈之盟狄行也

○蓋非獨罪晉諸侯亦與有罪焉者也

○集解云曰子叔姬來歸則是平常歸國之詞不見其有被執之難也故必書齊人來歸子叔姬則見其

胡傳

盟于扈者晉侯宋公衛蔡陳鄭曹許八國之君也何以不序略之也春秋於夷狄君臣同詞而不分爵號說者以為略之也八國曷為略之等於是夷狄乎齊人弒君不能致討受賂而退矣以賢於狄矣不曰晉人會諸侯盟于扈而曰諸侯盟者分惡於諸侯也陳恒弒其君孔子沐浴而朝告於哀公請討之弒君之賊夫人之所得討也而况諸侯乎况於鄰國乎略諸侯而不序以其欲諱齊罪而復不能也况於鄰壤初不與盟會者乎魯君之罪亦可知也

十有二月齊人來歸子叔姬左傳王故也公羊傳其言來何

閔之也此有罪何閔爾父母之於子雖有罪猶若其不欲服罪然穀梁傳其日子叔姬貴之也其言來歸何也父母之於子雖有罪猶欲其免也

歸出於齊人而不由
於子叔姬之意可知
矣然於齊人強執之
罪亦可知矣

○林氏曰兵事言遂
必天下之太故也此
言遂伐曹以齊始敗
夏盟晉遂不競也

胡傳 不言齊子叔姬來歸而曰齊人來歸
而歸之爾春秋深罪齊人以商人為君而
不知其惡故其執其歸與弒其君商人皆
稱齊人深責之也

齊侯侵我西鄙遂伐曹入其郛
齊侯音乎左傳
鄙謂諸侯不能也遂伐曹入其郛詩其來朝
也季文子曰齊侯其不免乎已則無禮而詩
於有禮者曰女何故行禮禮以順天之道
也已則反天而又以詩入難以免矣詩曰胡
不相畏不畏于天君子之不虐幼賤畏于天
也在周禮曰畏天之威于時保之不長于天
將何能保以亂取國奉禮以守猶懼不終多
行無禮弗能在矣公羊傳郛者何恢郛也入
郛書乎曰不書入郛不書此何以書動
我也動我者何內辭也其實我動焉爾

○林氏曰陽穀齊地

○何氏曰有疾無惡
不書書又不言有疾
者欲起公身是無疾
不視朔也

○集解云蓋謂無疾
大惡不可言也是後
公不復視朔政事委
任公子遂

庚 二年十有六年
晉靈十。齊懿二。衛成二十
四。蔡文公申元年。鄭穆十

春王正月及齊平公
有疾使季文子會齊侯
于陽穀請盟齊侯不肯曰請侯君聞公羊傳
其言弗及盟何不見與盟也穀梁傳弗
及者內辭也行父失命矣齊得內辭也

五月公四不視朔
左傳疾也公羊傳公曷為
四不視朔公有疾有疾也
何言平公有疾不視朔自是公無疾不視朔
也然則曷為不言公無疾不視朔有疾猶可
言也無疾不可言也穀梁傳天子告朔于諸
侯諸侯受乎禘廟禮也公四不視朔公不臣
政以甚矣

春秋卷六
二十

閏不告在六年
如不視無雨不閏
一及十三年
會同不與在七年
平盪于虜是也
不壞不修在十二
年

作主不時言十有
五月九年傳公庸三
不時且慢
木氏曰都丘齊地

○傳公夫人文公母
也

○集解左傳云有蛇
自泉宮出如先君之
數蓋泉宮即泉臺也
此所以毀者必以蛇
恠也而不知桑穀生
朝雖維升飛龍負於
舟皆由已致而吉凶
非所論也

胡傳 天子班朔于諸侯諸侯每月奉以告
廟出視朝政文公四不視朔公羊子
以為有疾也不言疾自是公無疾不視朔
也此見聖人所書之意若後復視朔者必
於此書公有疾與昭公如晉之事比矣文
公厭政備見於經閏不告朔不視無雨不
閏會同不與廟壞不脩作主不時事神
治民之急也則其心放而不知求久矣

六月戊辰公宰遂及齊侯盟于鄆丘鄆音西

公使襄仲
納賂于齊侯故盟于鄆丘穀梁傳復行父之

盟也 ○秋八月辛未夫人姜氏薨毀泉臺左傳

自泉宮出入于國如先君之數秋八月辛未
聲姜薨毀泉臺公羊傳泉臺者何郎臺也郎
臺則曷為謂之泉臺未成為郎臺既成為泉
臺毀泉臺何以書譏何譏爾築之譏毀之譏

先祖為之已毀之不如勿居而已矣穀梁傳
喪不貳事貳事緩喪也以文為多失道矣自
舌為之今毀之不
如勿處而已矣

胡傳 先祖為之非矣然臺之存毀非安危
之是暴揚其失有輕先祖之心此履霜之
漸弒父與君之萌春
秋之所謹也故書

楚人秦人巴人滅庸左傳楚大饑戎伐其西

又伐其東南至于陽丘以侵訾枝庸人帥群
蠻以叛楚麇人帥百濮聚於選將伐楚於是
申息之北門不啓楚人謀徙於阪高焉賈曰
不可我能往寇亦能往不如伐庸夫麇與百
濮謂我饑不能師故伐我也若我出師必懼
而歸百濮離居將各走其邑誰暇謀人乃出
師旬有五日百濮乃罷自廬以往振廩同食

林氏曰五穀不熟

○為買楚大夫伯嘉孫叔敖之父

○林氏曰昭公弑於文公鮑五

次于句瀝使廬戢黎後庸及庸方城庸人逐之困于揚窳三宿而逸曰庸師衆群蠻聚馬不如復大師且起王卒合而後進師叔曰不可姑又與之遇以驕之彼驕我怒而後可先君殫身所以遇以驕也又與之遇七遇皆北唯裨僚魚人實逐之庸人曰楚不足與戰矣遂不設備楚子乘駟會師于臨品分為二隊子越自石溪子貝自仞以伐庸秦人巴人從楚師群蠻從楚子盟遂滅庸

胡傳

楚大饑戎與麇濮交伐之而庸人幸其弱帥羣蠻以叛楚此取滅之道也楚人謀徙於阪高為賈曰不可我能往寇亦能往不如伐庸亦見其謀國之善矣故列書三國而楚不稱師滅楚之罪詞也

冬十有一月宋人弑其君杵臼公作處曰因傳宋公子鮑

○陳哲云高哀不居危札之國以者富貴超然而去所謂見幾而作首其賢於意諸之死遠矣夫聖人雖重死節之臣然死非其理而死者固亦在所不取雖惡亂身亂倫之人而正行不食固亦在其所重以此觀之而高哀蕩意諸之是非可見矣

禮於國人宋饑竭其粟而貸之年自七十以上無不饋詒也特加羞珍與無日不數於六卿之門國之材人無不事也親自相以下無不恤也公子鮑美而讎襄夫人欲通之而不可乃助之施昭公無道國人奉公子鮑以因夫人於是華元為右師公孫友為左師華耦為司馬鱗矚為司徒蕩意諸為司城公子朝為司寇初司城蕩卒公孫壽辭司城請使意諸為之既而告人曰君無道吾官近懼及焉棄官則族無所庇子身之貳也姑紆死焉雖亡子倫不亡族既夫人將使公田孟諸而殺之公知之盡以寶行蕩意諸曰盍適諸侯公曰不能其大夫至于君祖母以及國人諸侯誰納我且既為人君而又為人臣不如其死盡以其寶賜左右而使行夫人使謂司城云公對曰臣之而逃其難若後君何冬十一月甲寅宋昭公將田孟諸未至夫人王姬使帥甸攻而殺之蕩意諸死之書曰宋人弑其君杵

春秋卷八

二十一

○集解云旬郊旬之師

○范泰曰傳稱入者衆詞衆之亦同則君過可知

○班齊等也

○開闕亦存誠之闕也

曰君無道也文公即位使母弟須為司城華耦卒而使蕩虺為司馬公羊傳弑君者曷為或稱名氏或不稱名氏大夫弑君稱名氏賤者窮諸人大夫相殺稱人賤者窮諸盜

胡傳

此襄夫人使旬殺之也而書宋人者昭公無道國人之所欲弑也君無道而弑之可乎諸侯殺其大夫雖當於罪若不歸司寇猶有專殺之嫌以為不臣矣况於北面歸戴奉之以為君也故曰人臣無將將而必誅昭公無道聖人以弑君之罪歸宋人者以明三綱人道之太倫君臣之義不可廢也然則有土之君可以肆於民上而無誅乎諸侯無道天子乃伯在焉臣子國人其何居死於其職而明於去就從違之義斯可矣蕩意諸亦死職春秋削之不得班於孔父仇牧荀息何也三子閑其君而見殺春秋之所取也意諸知國人將

弑其君而不能止知知公之將見殺而不能正坐待其及而死之所謂匹夫匹婦自經於溝瀆而莫之知也奚得與死於其職者比乎聖人所以獨取高哀之去而書字以褒之也

辛丑

十有七年

晉靈十一。齊懿三。衛成二。鄭穆十八。曹

文八。陳靈四。杞桓二十。宋文公鮑元年。秦康十一。楚莊四

春晉人衛人陳人鄭人伐宋

左傳晉荀息文公孫寧鄭石楚伐宋討曰何故弑君猶立文公而還卿不書失其所也

胡傳

列國之卿其君所與共天位治天職者宋有弑君之亂欲行天討而伐宋乃其職也復不能討而成其亂是不足為國卿失其職矣故皆貶而稱人大夫帥師

○范泰夫曰他曰天

○林氏曰自閏倍以至於春秋陳侯常左傳下傳不言陳公探登後至則寧立非上卿故也

美以希之所得尊者

也士正自當極人

論語憲問篇有之

稱名氏。賤者窮諸人。其稱人賤之也。陳恒弑簡公。孔子請討。曰。以吾從大夫之後。不敢不告也。

夏四月癸亥葬我小君聲姜。公作聖。左傳有。齊難是以緩。公。

羊傳。聖姜者何。文公之母也。○齊侯伐我西鄙。六月癸未。

公及齊侯盟于穀。左傳。齊侯伐我北鄙。襄仲請盟。六月盟于穀。

諸侯會于扈。左傳。晉侯蒐于黃父。逐復合諸侯于扈。平宋也。公不與。會齊難。

故也。書曰。諸侯無功也。於是晉侯不見鄭伯。以為貳於楚也。鄭子家使執訊而與之。書以告。趙宣子曰。寡君即位三年。召蔡侯而與之。

事。君九月蔡侯入於敝邑。以行。敝邑以侯宣多之難。寡君是以不得與蔡侯偕。十一月克。

滅侯。宣多而隨。蔡侯以朝于執事。十二年。

○林氏曰。言人之。身則畏其首。又畏其尾。則身中不畏者。餘有幾哉。喻鄭雖小國。北畏晉。南畏楚。則中間之不畏者。少矣。

月歸生佐寡君之嫡夷。以請陳侯于楚。而朝諸君。十四年七月。寡君又朝。以戴陳事。十五年五月。陳侯自敝邑往朝于君。往年正月。燭之武往朝夷也。八月。寡君又往朝。以陳蔡之密邇於楚。而不敢貳焉。則敝邑之故也。雖敝邑之事。君何以不免在位之中。一朝于襄。而再見于君。夷與孤之二。二臣相及於絳。雖我小國。則蔑以過之矣。今太國曰。爾未逞吾志。敝邑有亡。無以加焉。昔人有言。曰。畏首畏尾。身其餘幾。又曰。鹿死不擇音。小國之事。大國也。德則其人。也不德。則其鹿也。鉅而走險。急何能擇。命之罔極。亦知亡矣。將悉敝賦以待於儵。唯執事命之。文公二十一年六月壬申。朝于齊。四年二月壬戌。為齊侵蔡。亦復成於楚。居大國之間。而從於強令。宜其罪也。太國若弗圖。無所逃命。晉鞏朔行成於鄭。趙穿公。誓池焉。

胡傳 宋昭公雖為無道，人臣將而必誅，春秋正宋人為弑君之罪，所以明人道之大倫也。故大夫無沐浴之請，則敗而稱入。諸侯無討賊之功，則略而不序。不然是廢君臣之義，人欲肆而天理滅矣。故曰春秋成而亂臣賊子懼。

秋公至自穀

附錄 左傳 秋周甘歌敗我于邲垂，乘其飲酒也。○冬十月，鄭太子夷石楚為質。

晉子

冬公子遂如齊。左傳 襄仲如齊，拜穀之盟，復臣觀之。將不能齊君之語，偷臧文仲有言曰：民主偷必死。

王 四年十有八年。晉靈公二，齊懿公弑，衛成二十六年。蔡文三，鄭穆十九。

曹文九，陳靈五，杞桓二十八，宋文二，秦康十二卒。楚莊五。

○林氏曰：康公卒，子

宋公立。

○懿公弑，兄惠公元立。

春王二月丁丑，公薨于臺下。

左傳 春齊侯戒，日不及秋將死，公聞之，卜曰：尚無及期，惠伯亦不聞。令龜有咎。一月丁丑，公薨。穀梁傳 臺下，非正也。○秦伯營卒。

夏五月戊戌，齊人弑其君商人。

左傳 齊懿公之為公子也，與邾歆之父爭田，弗勝。及即位，乃掘而削之，而使歆僕，納閭職之妻，而使職乘。夏五月，公游於申池，二人浴於池，歆以執職，職怒，歆曰：人奪女妻而不怒，一扶女庸何傷？職曰：與則其父而弗能病者，何如？乃謀弑懿公，納諸竹中，歸舍而齊人立公子元。

胡傳

按左氏齊懿公即位，邾歆之父而

○集解云：言施之廣，家資已盡，更從公及

國之有司富家者稱
貸以繼之故齊人每
其利而為其用也

○詩小雅何人斯末
章云為鬼為蜮則不
可得有視面目視人
罔極云云

○其君母舍母子叔
姬

○林且曰齊公卒于

六月癸酉葬我君文公○秋公子遂叔孫得

人者實弑懿公然則於法宜書曰盜而特
變其詞以為齊人何也亂臣賊子之動於
惡必有其利其所為而與之者人人不利其
所為而莫之與則孤危獨立無以濟其惡
篡弑之謀熄矣惟利其所為而與之者眾
是以能濟其惡天下胥為禽獸而莫之遏
公子商人驟施於國而多聚王盡其家而
貸於公有司是以財誘齊國之人也齊人
貪公子一時之私施不顧君臣萬世之大
倫弑其國君則覲面以為之臣而不能討
執其君母則拱手以聽其所為而不能救
故於懿公見殺特不書盜反以弑君之罪
歸諸齊人以誅亂賊之黨弑篡弑之漸所
謂技本塞源懲禍亂之所由也故曰春秋
成而亂臣
賊子懼

臣如齊左傳秋襄仲莊叔如齊惠公立故且
襄而私事襄仲宣公長而屬諸襄仲襄仲欲
立之叔仲不唯仲見于齊侯而請之齊侯新
立而欲親魯許之穀梁傳陳舉上客而不稱
介故列而數之也

胡傳使舉上客將稱元帥此春秋立文之
問者見事情也子赤夫人之子今卒于弑
不著其實是為國諱惡無以傳信於將來
而春秋之不義隱矣故上書大夫並使下
書夫人歸于齊中日子卒則見禍亂邪謀
發於奉使之日而公子遂弑立其君之罪
著矣

冬十月子卒

左傳冬十月仲殺惡及視而立
宣公書日子卒諱之也仲以君

子赤文公子夫人
文公夫人出妻也

命召惠伯其率公毋務人止之日入必死也
仲曰死君命可也公毋務人曰若君命可死
非君命何聽弗聽乃入殺而理之馬失之
公毋務人奉其祭以奔蔡既而復叔仲氏
羊傳子卒者孰謂謂子赤也何以不日隱之
也何隱耳弒也弒則何以不日不忍言也
梁傳子卒不日故也

○集解云不忍稱君
李據父也

○名者父所命也夫
葬稱名不死其親也
既葬則親有所歸矣
故不復稱名

○緣臣民不可以無
至也

○因不日以見子赤之弒因不地以見閔公之弒春秋之旨最為明白然子赤之卒與子
赤同而書日則莊公未葬亦以不地見之也

○集解云文姜與桓桓公書曰夫人孫于齊而去姜氏謂絕不為親也哀姜與桓桓公
于夷而書曰齊人以婦曰夫夫氏之喪至自齊皆以其得罪於魯而魯國臣子不宜受之
者也故其書法如此今出姜書法與文姜異者所以見魯人之罪而用姜惡故也

○疏云姪婦者所以
分別尊卑明夫人須
勝妾之妾緩帶者欲
見有子則喜樂之情
均賈賤之意等今章
公為人君不尊養姜
氏非緩帶之意也緩
帶者優游之稱也

子之義
備矣

夫人姜氏歸于齊

左傳大歸也將行哭而過

立庶市人皆哭魯人謂之哀姜穀梁傳惡宣
公也有不得待貶絕而罪惡見者有待貶絕而
惡從之者姪婦者不孤子之意也一人有子
三人緩帶一
口就賢也

胡傳

書夫人則知其正書姜氏則知其非

異於孫于邾者而魯國臣子殺適立庶敬
羸宣公不能事主君存適母其罪不書而
並見矣

季孫行父如齊○莒弒其君庶其

左傳莒絕

僕又生季佗愛季佗而黜僕且多行無禮於

○集解云稱君名無
道也

國僕因國人以弒紀公以其寶主來奔納諸
宣公命與之邑曰今日必達公問其故季文子使
寇出諸竟曰今日必達公問其故季文子使
太史克對曰先大夫臧文仲教行父事君之
禮行父奉以周旋弗敢失隊曰見有禮於其
君者事之如孝子之養父母也見無禮於其
君者誅之如鷹鷂之逐鳥雀也先君周公制
周禮曰則以觀德德以處事事以度功功以
食民作誓命曰戰則為賊掩賊為藏竊賂為
盜盜器為姦主藏之名賴姦之用為大凶德
有常無赦在九刑不忘行父還觀其僕莫可
賊也孝敬忠信為吉德盜賊藏姦為凶德夫
莒僕則其孝敬則弒君父矣則其忠信則竊
寶玉矣其人則盜賊也其器則姦兆也保而
利之則主藏也以訓則昏民無則焉不喪於
善而皆在於凶德是以去之昔高陽氏有才
子八人蒼舒隤散檮戴大臨龙降庭堅仲容
叔達齊聖廣淵明允篤誠天下之民謂之八

愷高辛氏有才子八人伯奮仲堪叔獻季仲
伯虎仲熊叔豹季狸忠肅共懿宣慈惠和天
下之民謂之八元此十六族也世濟其美不
墮其名以至於堯堯不能舉舜臣堯舉八愷
使主后土以授百事莫不時序地平天成舉
八元使布五教于四方父義母慈兄友弟恭
子孝內平外成昔帝鴻氏有不才子掩義隱
賊好行凶德醜類惡物頑嚚不友是與比周
天下之民謂之渾敦少皞氏有不才子毀信
廢忠崇飾惡言壙諧靡回服讒蒐慝以誣盛
德天下之民謂之窮奇顛頑氏有不才子不
可教訓不知話言告之則頑舍之則罵傲狠
明德以亂天常天下之民謂之檮杌此三族
也世濟其凶增其惡名以至于堯堯不能去
縉婁氏有不才子貪于飲食鬻于貨賄侵欲
崇侈不可盈厭聚斂積實不知紀極不分孤
寡不恤窮匱天下之民以比三凶謂之饕餮
舜臣堯賓于四門流四凶族渾敦窮奇檮杌

饗發投諸四裔以禦魑魅是以堯崩而天下
如心戴舜以為天子以其舉十六相去
四凶也故虞書數舜之功曰慎徽五典
克從無違教也曰納于百揆百揆時叙無廢
事也曰賓于四門四門穆穆無凶人也舜有
大功二十而為天子今行父雖未獲一吉人
去一凶矣於舜之功二十之一也庶幾免於
戾乎公羊傳稱國以弑何國以弑者衆弑君
稱之辭

春秋四傳卷之十八

附錄

左傳宋武氏之族道昭公公子將奉司
城須以作亂十二月宋公殺母弟須
及昭公之子使戴莊桓之族攻武氏于司馬
子伯之館遂出武穆之族使公孫師為司
城公子朝卒使樂呂
為司寇以靖國人

